





ଅଗ୍ନିଶିଖା ୧୩

100/1406 --- 222 ?







# বেণু ও বীণা

কবি সত্যেন্দ্রনাথ দত্ত

আর. এইচ. শ্রীমার্মা এণ্ড সন্স

২০৪নং কর্ণওয়ালিস ষ্ট্রিট, কলিকাতা ।

## চতুর্থ সংস্করণ

পরিবর্তিত ও পরিমার্জিত

অগ্রহায়ণ, ১৩৫৩ সাল

দাম : সাতটু তিন টাকা।

চিত্রাশ্রম

ইন্দু সঙ্কিত

## বেণু ও বাণী

প্রথম সংস্করণ — ১৯৩৩ সাল

দ্বিতীয় সংস্করণ — ১৯৩৬ সাল

তৃতীয় সংস্করণ — ১৯৩৩ সাল

চতুর্থ সংস্করণ — ১৩৫৩ সাল

সর্বস্বত্ব সংরক্ষিত

একজিউ আইমানী কল্লক বসন কল্লকালিদি দ্বিত্ব কল্লকালিদি ইত্যাদি প্রকাশিত এবং অগৌরবশ্রী পাল  
কল্লক নিউ মলমালি আইন ১৯৩৩ কল্লক দ্বিত্ব, কল্লকালিদি ইত্যাদি মুদ্রিত ।

বর্ষার নবীন মেঘ এল ধবধবী পূর্ণদানে,  
 বাজাউল বজ্রভেরী । কে কবি, দিবে না সাড়া তা'রে  
 তোমার নবীন ছন্দে ? আজিকার কাঁজরী গাথা  
 ঝুলনের দোলা লাগে ডালে ডালে, পাতায় পাতায় ;  
 নম্র বর্ষে এ দোলায় দিত ভাল তোমার যে-বাণী  
 বিদ্রোহ-নাচন গানে, সে 'জাজি ললাটে কর হানি'  
 বিধবার বেশে কেন নিঃশব্দে লুটায় পলি-'পরে ?  
 'আম্বিনে উৎসব-সাজে শরৎ স্নান কর গুল করে  
 শেফালির সাজি নিয়ে দেখা দিবে তোমার অঙ্গনে ;  
 প্রতি বর্ষে দিত সে-বে শুক্লবাত জ্যোৎস্নার চন্দনে  
 হালে তব বরণের ঢীকা ; কবি, আজ হতে সে কি  
 বারে বারে আসি' তব শূক্লকক্ষে, তোমারে না দেখি'  
 উদ্দেশে করায় যাবে শিশির-সিক্ত পুষ্পগুলি  
 নীরব-সঙ্গীত তব হারে ?

তানি তুমি প্রাণ খুলি'

'সুন্দরী পরলোক লালনোসিঁছরে' । তানি তা'রে  
 সাজিয়েছে দিনে দিনে নিভা নব সঙ্গীতের ভাবে ।  
 অশ্রু, অসত্য ভ্রম, বহু-কিছু অত্যাচার পাপ  
 কটিল কুৎসিত কুর, তা'র 'পরে তব অভিষেক  
 বসিয়াছ সিংহবেগে অঙ্কনের অগ্নিবাণসম—  
 তুমি সত্যবীর, তুমি সুকঠোর, নিশ্চল, নিশ্চম,  
 করুণ, কোমল । তুমি বঙ্গ-ভারতীর তন্ত্রী-'পরে  
 একটি অপূর্ণ তন্ত্র এসেছিলে পবনীর তরে ।

সে-তব্ব চেষ্টে বঁধা ; আজ হতে বাণীর উৎসবে  
 তোমার আপন গুর কখনো ধ্বনিবে মল্লধ্ববে,  
 কখনো মল্ল ল গুল্লরণে । বধের অঙ্গনতলে  
 বর্ষা-বসন্তের নৃতো বর্ষে বর্ষে উল্লাস উথলে ;  
 সেখা তুমি একে গেলে নগ্নে বর্ণে বিচিত্র রেখায়  
 আনিম্পন ; কোকিলের কুহরবে, শিশীর কে কায়  
 দিয়েছ সঙ্গীত তব ; কাননের পল্লবে কুস্তমে  
 রেখে গেছ আনন্দের জিল্লোল তোমার । বঙ্গভূমে  
 বে-তরুণ বাত্মীদল কক্কড়ার রাত্রি-অবসানে  
 নিঃশব্দে বাতির হবে নব জীবনের অভিযানে  
 নব নব সঙ্কটের পথে পথে, তাহাদের লাগি,  
 অঙ্গকার নিলীখিনী তুমি, কবি, কটোঠলে জাগি',  
 জন্মমালা বিরচিয়া—রেখে গেলে গানের পাণেখ  
 বহ্নিতেছে পূর্ণ কবি' : অনাগত যুগের পাণেখ  
 তুলে তুলে নানাস্থলে বেঁধে গেলে বন্ধুত্বের জোর,  
 গাতি দিলে চিন্তায় বন্ধনে, 'ত তরুণ এক মোর,  
 সহোদর পুত্রাবি !

আজো বার জন্মে নাই তব দেশে,  
 দেখে নাই যাগরা তোমাতে, তুমি তাদের উল্লেখে  
 দেখার অতীত রূপে আপনারে ক'রে গেলে দান  
 দূরকালে । তাহাদের কাছে তুমি নিতা-গাওয়া গান  
 মুক্তিচীন । কিন্তু, যারা পেয়েছিল প্রত্যক্ষ তোমায়  
 অচক্ষণ, তা'রা না' জানে তা'র সন্ধান কোথায়,  
 কোথায় সাধনা ? বন্ধু-মলনেব দিনে বালস্বাদ  
 উৎসব-রসের পাত্র পূর্ণ তুমি করেক আমায়  
 প্রাণে তব, গানে তব, প্রেমে তব, সোজকে, অকায়,  
 আনন্দের দানে ও গ্রহণে : সখা, আজ হতে, কাহ  
 গানি ননে, ক্ষণে ক্ষণে চমকি' উঠিবে মোর চিয়া  
 তুমি আসো নাই ব'লে ; অকস্মাৎ রচিয়া রচিয়া  
 করুণ খতির ছায়া স্নান করি' দিবে সজাতলে  
 অলোপ আলোক বাস্তব প্রচুর গলীর অঙ্গলয়ে ।

আজিকে একেলা বসি' শোকের প্রদোষ-অন্ধকারে,  
 যত্নাতরঙ্গিনীধারা-মুগ্ধরিত ভাঙনের ধারে  
 তোমারে শুধাই,—আজি বাধা কি গো খুচিল চোখের,  
 শুধর কি ধরা দিল অনিহিত নন্দন-লোকের  
 আলোকে সম্মুখে তব, উদয়-শৈলীর তলে আজি  
 নবসূর্য্য-বন্দনায় কোণায় হরিলে তব সাধি  
 নব চন্দে, নূতন আনন্দগানে ? সে-গানের সুর  
 লাগিছে আমার কানে অশ্রুসাধে-মিলিত-মধুব  
 প্রভাত-আলোকে আজি ; আছে তাহে সমাপ্তির ব্যথা,  
 আছে তাহে নবতন আরম্ভের মঙ্গল-বারতা ;  
 আছে তাহে ভৈরবীতে বিদায়ের বিদগ্ধ মূর্চ্ছনা,  
 আছে ভৈরবের স্তবে মিলনের আসন্ন অর্চনা ।

যে-পেরাব কর্ণধার তোমারে নিশেছে সিন্ধুপাবে  
 আবাচের মঞ্জল ছায়ায়, তা'র সাথে বারে বারে  
 হয়েছে আমার চেনা ; কতবার তারি সারি-গানে  
 নিশাকের নিদ্রা ভেঙে বাণায় বেঙেঙে মোর প্রাণে  
 অজানা পথের ডাক, - সূর্য্যাস্তপারের স্বর্ণবেশ  
 উদ্ভিত করেছে মোরে । পুনঃ আজ তা'র সাথে দেখা  
 নেবে-ভরা বৃষ্টিফরা দিনে । সেট মোরে দিল আনি  
 ধবে-পড়া কদম্বের কেশর-সুগন্ধি লিপিকানি  
 তব শেষ-বিদায়ের ; নিশে গাব ইগার উত্তর  
 নিজ গাভে করে আমি, ওই খেয়া-পরে করি' ভর—  
 না জানি সে কোন্ শাও শিউলি-ফরাব গুরুরাতে,  
 দক্ষিণের দোলা-লাগা পাখী-জাগা বসন্ত-প্রভাতে ;  
 নব মল্লিকার কোন্ আমরন-দিনে ; শ্রাবণের  
 ঝিল্লিমজ-সঘন সন্ধ্যায় ; মুগ্ধরিত প্রাণনের  
 অশান্ত নিশীথ রাতে ; চেমকের দিনান্ত বেলায়  
 কুচেলি-গুহনতল ?

### ধরনীতে প্রাণের খেলায়

সংসারের যাত্রাপথে এসেছি তোমার বহু আগে,  
সুখে দুঃখে চলেছি আপন-মনে ; তুমি অন্তরাগে  
এসেছিলে আমার পশ্চাতে, বাশিখানি লয়ে হাতে,  
মুক্ত মনে, দীপ্ত তেজে, ভারতীর বরমালা মাথে ।  
আজ তুমি গেলে আগে ; ধরিত্রীর রাজি আর দিন  
তোমা হতে গেল থসি, সর্ক অবরণ করি লীন  
চিবলুন গোলে তুমি, মর্দ্য কবি, নহুর্ভের মাঝে ।  
গেলে সেই বিশ্বচিত্তলোক, যেথা সূর্যস্তীর বাজে  
অনন্তের বীণা, বার শব্দহীন সঙ্গিতধারায়  
ছুটেছে রূপের বজ্রা গ্রহে সূর্যো তারায় তারায় ।  
সেথা তুমি অগ্রজ আমার ; যদি কভু দেখা হয়,  
পাব তবে সেথা তব কোন্ অপক্লপ পরিচয়  
কোন্ ছন্দে, কোন্ রূপে ? যেমনি অপূর্ক হোক নাকে।  
তব আশা করি, যেন মনের একটি কোণে রাখো  
ধরণীর পুলিব স্মরণ, লাভে ভয়ে দুঃখে সুখে  
বিজড়িত,—আশা করি, মর্যাজনো ছিল তব মুখে  
যে বিনম্র নিষ্কল হাস, যে স্বচ্ছ সন্তোজ সরলতা,  
সহজ সন্তোর প্রভা, বিরল সংযত শাস্ত কথা,  
তাই দিয়ে আরবার পাঠি যেন তব অভ্যর্থনা  
অমর্ত্যালোকের দ্বারে,—বাগ নাহি হোক এ কামনা ।

( আশাট. ১৩২৯ )

—রবীন্দ্রনাথ ঠাকুর

五十二





## প্রথম সংস্করণের ভূমিকা

‘বেণু ও বীণা’র অধিকাংশ কবিতা এই প্রথম প্রকাশিত হইল। এই কবিতাগুলি ১৩০০ সাল হইতে ১৩১৩ সালের মধ্যে রচিত।

এই গ্রন্থে প্রকাশিত কবিতাগুলির নির্বাচন সম্বন্ধে আমার অক্ষাঙ্গদ বন্ধু শ্রীযুক্ত দ্বিজেন্দ্রনারায়ণ বাগ্‌চী এম্-এ, শ্রীযুক্ত বতীন্দ্রমোহন বাগ্‌চী বি-এ এবং শ্রীযুক্ত ধীরেন্দ্রনাথ দত্তের নিকট যথেষ্ট সাহায্য পাইয়াছি। এজন্য আমি তাহাদের নিকট কৃতজ্ঞ।

কলিকাতা ;  
১লা আশ্বিন, ১৩১৩

।  
।

শ্রীসত্যেন্দ্রনাথ দত্ত



বিষয়	কবিতার প্রথম লাইন	পৃষ্ঠা
আরম্ভে—বাতাসে যে ব্যথা বেতেছিল ভেসে, ভেসে, ...		১
কিশলয়ের জন্মকথা—চোখ দিয়ে ব'সে আছি, কখন অদূর কাটি'		
বাতিরিনে প্রথম পলক :		২
অনিশ্চিতা—দুনিরে সুন্দর করি এস তুমি, চে সুন্দরী ...		৩
আন-গগনের আলো—আমার কুঞ্জে লতার ছায়ার নিবিড় ছিল না মালা,		৪
নববসন্তে—ফুলের বনে ফুল ফুটেছে, কোকিল গাছে তাগে ;		৫
কান্তনে—ফুল বলে, 'আগি-বলে, দিচ্ছ একা, মিয়মাণ ;		৬
বসন্তে—পুলক উলার কিরণ রাগে পুলক পাখীর আকুল-গানে ;		৮
রূপ-স্নান—তৈল মাগ—বৃষ্টি চ'য়ে গেছে, আজ্ঞাহে আকুল ভাগীরথী ;		৯
মাজলিক—গরমেশ ! আকি, বরিশ তোমার আশিস বৃগল শিরে ;		১০
প্রেম ও পরিণয়—সুপের নিলয়—সেই পরিণয়, প্রণয় গাছে দলি রাগে .		১১
জ্যোৎস্নালোকে—তুমি গো আজ মগন ঘুমে ফুলের বিছানা' ;		১২
স্পর্শমাণি—কহিতে কাহিনী আছে, গাহিবারও আছে গান ।		১৪
রূপ ও প্রেম—রূপ ন' ছাড়ব লেখা, প্রেম সে বচনা ;		১৫
মেঘের কাহিনী—সময় হুদে, জজ্জর দেছে, পমাছে আভিহু নাট,		১৬
বসায়—শুণ, পরিণত—কচম একলাব কবিতে ৫ পাশে ও পাশে .		১৭
সারিকার প্রতি--সারিকা : কোথারে আছি --মাগরিকা--কোথা আছি,		১৮
আকুল আহ্বান—এস নাথ ! এস নাথ ! এস নাথ !		২০
অবসান—চলে যাও—ওগো, চলে যাও,—বকুল ফুলেরে দলে যাও ।		২৩
আলোকলতা—মূল নাই, ফুল কল পত্র নাই মোর, ...		২৪
উজ্জ্বল—আন বীণা, বাধ তার, ঢাল শূবা গাছ গান ,		২৫
ব্যর্থ—অতিথি ফিরিয়া গেছে, আয়োজনে এখন কি কল ?		২৬
ভ্রষ্টে—আনন্দে অমৃত-গন্ধ আছিল তখন, তীব্র ছিল দুঃখ অভিমান,		২৭
সাস্তুনা—বিফল বদি কসরগা প্রণয়—বিফল চ'তে দাও ;		২৯
একদিন-না-একদিন—একদিন-না-একদিন, কারো-না-কারো কপালে,		৩০
নৈশ-তর্পণ—ফলের লীলা মিলিয়ে গেল নিবিড় আধারে,		৩৩
মহন্ত-গন্ধা—দীপে উষা এল কুয়াসার,—কালের মাহুয় চেনা দার,—		৩১
আলোয়া—পুড়ে মরি—পতি নাহি পাই, কোথা পা'ব জুড়াবার ঠাই ?		৩৪
সহমরণ—'জিলাগিছ পোড়া কেন গা' ? অনিবে তা' ?—শোন তব মা—		৩৫

বিষয়	কবিতার প্রথম লাইন	পৃষ্ঠা
চিত্রাঙ্গিতা—	কে তুমি মহিমাধরী, অরি চিত্রাঙ্গিতা,	৩৮
মমতাজ—	হে সুন্দরী, অরি মমতাজ ! শোন গো তোমার জয়,	৩৯
যাহ্নবর ( মনি )—	যাহ্নবরের কবাট পড়ে, মায়াদেবীর টনক নড়ে,	৪০
বক্ষ-মূর্ত্তি—	তা'রি মাঝে, দেখিলাম অপক্লপ—	৪৩
মমির হস্ত—	কার দেহে, কোন্ কালে, লগ্ন ছিলে তুমি,—	৪৪
ডাক টিকিট—	ডাক টিকিটের রাশি—আমি ভালবাসি,	৪৫
উজ্জ্বা—	তিমিরের মণীলেপ নিমিষে ঘুচায়ে	৪৭
স্বর্ণ-গোধা—	স্বর্ণ জিনি স্বর্ণ তোর, নয়ন-রঞ্জন,	৪৮
প্রবাল-দ্বীপ—	তিমিরে, তিমির অস্তি যেথা হয় শিলা,	৪৯
আগ্নেয় দ্বীপ—	পাশ্বে তা'রি,—সাগরের গুঢ় তলভূমে,	৫০
মূল ও ফুল—	ফুল—কুণ্ডু দেখাইতে চায় আপনারে রোদ্রে জোড়নাথ,	৫১
ঝড় ও চারাগাছ—	ঝড় বলে “উড়ে গেল বড় বড় গাছ,—	৫২
জীবন-বন্তা—	তিমির মগন গগন ঘিরিয়া একি নব উজ্জ্বাস !	৫৩
কোন্ দেশে—	কোন্ দেশেতে তরুণতা—সকল দেশের চাহিতে কামল ?	৫৪
সন্ধিক্ষণ—	এতদিনে । এতদিনে বুঝেছে বাঙালি দেশে তার আভা	
	আছে প্রাণ ।	৫৬
হেমচন্দ্র—	বনের ছাংখের কথা, সদা করি গান,	৬৫
তুর্হেয়াগ—	কি যেন মলিন দমে, কি যেন অলস বুমে,	৬৬
নঙ্গজননী—	কে মা তুই বাঘের গিঠে বসে আছিস বিরস বুকে ?	৬৭
স্বর্গাদপি গরীয়সী—	বঙ্গভূমি ! কেন মাথো হইলে উল্লস ?	৬৯
আশার কথা—	জননী গো—আজি কিংব, আগিতেছে কব সন্ধান সব	
	গঙ্গার উত্তীরে !	৭০
দ্বিতীয় চন্দ্রমা—	অপনে দেখিছ রাতে, যে ভারত-ভূমি,	৭২
ধর্মঘট—	বাদলরাম হালওয়াট—প্রকৃত গাড়ীর গাড়োয়ান,	৭৩
পথে—	আমার ধলায়—এত রণা ;—আর কুই ধলা মেখে,	
	গাড়ী খান্ পথে দেখে, ধরিলি আমাঝে এসে কিনা ।	৭৫
অবগুণ্ঠিতা ভিখারিনী—	ওরে বধু, গ্রাম্য-পথ-শোভা,	
	আজি কেন নগরীর মাঝে ?	৭৬
অন্ধ শিশু—	শীর্ণ দেহ, শুষ্ক তা'র মুখ, দৃষ্টিহীন—শিশু এতটুক :	৭৭
বিকলাঙ্গী—	নগরীর পথে, হায়, কোতুকের স্রোতে,	৭৮
কুহানাকপি—	সাগত, আগত, বারাক্ষণ ! তুমি কর জীব-উপদেশ ;	৭৯

বিষয়	কবিতার প্রথম লাইন	পৃষ্ঠা
বজ্রায়—বজ্রায় গিয়েছে দেশ ভেসে ।	...	৮০
দেবীর সিন্দূর—সারা বাত, মাহতের মত, শোকান্ত মাচায়া ভাঙর,—		৮১
শিশুর অশ্রু—দোলায় তয়ে ঘুমায়ে শিশু মায়ের কোলের মত,		৮৩
অক্রুর—থটের ধারে, বাতাসে হুলহুল,	...	৮৪
তুর্দ্দিনে অতিথি—সেদিন তঠাৎ বসে পেয়ে, কামিনী কুল কুটল বনে ;		৮৫
অলিত পল্লব—আহ্লাদে বনানী মাছে মুকুলে পল্লবে, বসন্তের সারসের হবে !	...	৮৬
গোলাপ—পলে, পলে, আলোকে, পুনকে, ভরি' উঠে গোলাপ উষায় ;		৮৭
কুলাচার—বর এল স্ততি-মুতি-পরা, গৃহে উঠে হাসির ফোয়ারা ;		৮৯
ভিলক দান—দান সারি' সকাল সকাল, মিঠায়ে ভরিয়া ছোট থাল,		৯২
শিশুর আশ্রয়—মনীর গড়ন শিশুটি ; মা ভালার এক বেনিয়ার দাসী,		৯৪
হাসি-চেনা—ওরে দিদি, দোপ, দেখি,— একবার আয়,		৯৫
নমোয়ান্—নগরীর সর্কার গলিত—পারিজয় পুরাণ কুটীর ;		৯৬
অরণ্য রোদন—ঘেনেজানি চলে' গেছে জল খেতে নদে,		৯৮
দেবতার স্থান—ভিখারী ঘুমায়েছিল মন্দিরের ছায়ে .		৯৮
মেঘের বারতা—নীল-মেঘপুঞ্জ হ'তে শৈত্যের বাবতা		৯৯
অপূর্ব সৃষ্টি—স্বপ্নে স্থাপিতা বনে সৃষ্টির বিষমতা,		১০০
'বাতাসী-মা'র দেশ—'হুলোব মতন পাবাব ভরে,		১০১
জীব পর্ণ—সেখের 'কবন কার' খাড, দিবা এক -পবেব কাড .		১০২
অক্ষয়-সট—জন্ম তব মতামুগে, তে অক্ষয়-বট,		১০৩
শিশুহীন পুরী—মলিন-আলয়ে বাড়া শিশু ন'তে আঁকড় রয়েছে কমল-কাল :		১০৪
পথহারা—আকাশ পানে চেয়েছিলাম, ছিলাম করজোড়ে,		১০৫
নাভাজীর অশ্রু—'ভোম' বনি', ফিরাহুয়া মুখ চলে' গেল পূজারি জাগণ,		১০৬
'রম্যানি বীক্ষ্য'—ফাঙ্কন নিশি, গগন-ভরা তার,	...	১০৭
সন্ধ্যা-তারি—অধি মহলোজ্জল তারিটি, সম জীবন-সন্ধ্যা-গগনে .		১০৮
অমৃত-কণ্ঠ—সুনেছি, সুনেছি কণ্ঠ তব, পুনঃ, আঁড় বকাদন পরে,		১০৯
নামহীন—বর্ষাশেষ, সুপ্রভাত প্রসন্ন আকাশ,—		১১৫
সমতা ও ক্রমতা—পাক-শাবকেরে বটে সেহ মেহ করে,—		১১৫
আকাশ-প্রদীপ—অন্ধকাবে জলে জীব আকাশ-প্রদীপ,		১১৫
শাহারজাদী—করনা-নগরে, শাহ কবিতা শুকরী,	...	১১৫
কবি-পরিচয়	...	...

## বেণু ও বীণা

“তুমি যে কাব্য সাহিত্যে আপনার পথ কাটানো লইতে পারিবে তোমার  
এই প্রথম গ্রন্থেই তাহার পরিচয় পাওয়া যায়।”

—রবীন্দ্রনাথ ঠাকুর

“বেণু ও বীণা পাঠ করিয়া অনেক দিনের পর একটু খাঁটি কবিত্ব রস  
উপভোগ করিলাম।”

—জ্যোতিপ্রসাদ ঠাকুর

“তোমার ‘বঙ্গজননী’, ‘বেণু ও বীণা’ প্রভৃতি কবিতা চমৎকার, —নূতন  
ভাবে অল্পপ্রাণিত।”

—অরবিন্দচন্দ্র সর্মাচার্য্য

“ভাবের, ভাবার্থ, মনোভাবের, ছন্দ, রসের, কবির অঙ্গুষ্ঠিও পারদ্বয় এ গ্রন্থে  
পূর্ণ পূর্ণ।”

“কোন দেশেতে তরলতা সকল দেশের ভাষায় জামল—শীতল পানি  
নৌহল—অমলতা লভিতব বোলা।”

“কবিতা ভাল পাড়িয়া হৃদয় ও মস্তিষ্ক চহিয়াছি। এই কবিতা এত ভাব সম্পদ,  
এত রস ঐশ্বর্য্য ও এত বিচিত্র সৌন্দর্য্য লইয়া অকপাৎ প্রকাশিত হইয়া  
আমাদিগকে চমৎকৃত করিয়াছেন। এমন স্বাধীন কবিত্ব রস খুব অল্পই উপভোগ  
করিয়াছি। ছন্দের নীলা-প্রবাহ, স্বরনি—তাহাও সুন্দর।”

—অখ্যায়







କବି ମହାଶ୍ୱନାଥ ଦତ୍ତ

# বেণু ও বীণা

আরম্ভে

বাতাসে যে ব্যথা যেতেছিল ভেসে, ভেসে,  
যে বেদনা ছিল বনের বুকেরি মাঝে,  
সুকানো যা' ছিল অগাধ অতল দেশে,  
তারে ভাষা দিতে বেণু সে ফুকারি বাজে !

মূকের স্বপনে মুখর করিতে চায়,  
ভিখারী আতুরে দিতে চায় ভালবাসা,  
প্লক-প্লাবনে পরাণ ভাসাবে, হায়,  
এমনি কামনা—এতখানি তার আশা !

হৃদয়ে যে গুর গুরি মরিতেছিল,  
যে রাগিণী কভু ফুটেনি কণ্ঠে—গানে,  
শিহরি, মূরছি,—সেকি আজ ধরা দিল,—  
কাপিয়া, ছলিয়া, বঙ্করে—বীণাতানে ?

বিপুল স্নেহের আকুল অশ্রুধারা,—  
মর্ম্মতলের মর্ম্মরময়া ভাষা,—  
ধ্বনিয়া তুলিবে—স্পন্দনে হ'য়ে হারা,  
এমনি কামনা—এতখানি তার আশা !

কতদিন হ'ল বেজেছে ব্যাকুল বেণু,  
মানসের জলে বেজেছে বিভোল বীণা,  
তারি মুচ্ছ'না—তারি সুর রেণু, রেণু,—  
আকাশে বাতাসে ফিরিছে আলয়হীনা !

পরাণ আমার শুনেছে সে মধু বাণী,  
ধরিবারে তাই চাহে সে তাহারে গানে,  
হে মানসী-দেবী ! হে মোর রাগিনী-রাণী !  
সে কি ফুটিবে না 'বেণু ও বীণা'র তানে ?

### লয়ের জন্মকথা

চোখ দিয়ে ব'সে আছি,                      কখন অশ্রুর ফাটি'  
                                 বাহিরিবে প্রথম পল্লব ;  
একমনে আছি চেয়ে,                      ধরা যদি পড়ে তাহে—  
                                 নিখিলের আদি কথা সব ।

সারাদিন ব'সে, ব'সে,                      তন্দ্রা চোখে এল শেষে ;  
                                 চরাচর ডুবিল তিমিরে ;  
প্রভাতে দেখিনু জেগে,                      নয়নে কিরণ লেগে—  
                                 কচি পাতা কাঁপিছে সমীরে ।

## ଅନିଚ୍ଛିତା

ধূলিরে স্তম্ভর করি                      এস তুমি, হে স্তম্ভরী  
 ধূলা পায়ে এস অনিন্দিতা !  
 পক্ষ-পাথে, অঁখি-পাখী,                      চাঁদের অমিয়া ছাঁকি'  
 ঢেলে দিক, হে কবি-বন্দিতা !  
 অধর-কপোলময়                      ফুলের গিলেছে লয়,  
 স্ত-ললাট মতির আবাস,  
 সৌন্দর্যের ধারা-বৃষ্টি,                      বিধির অপূর্ব সৃষ্টি,  
 কালিন্দীর উন্মি কেশপাশ ।  
 ফুলের রচিত দেহ,                      স্নেহ করুণার গেহ—  
 লয়ে এস—পরাণ উদার ;  
 অপূর্ব অনন্ত-রসে,                      সিনান করাও এসে,  
 জ্যোৎস্না-ঘন পরশে তোমার !  
 আনগো মঞ্জল-ঘট,                      লয়ে এস অকপট  
 বেদনা-বুঝিতে-পট্ট মন,  
 ছ'খানি স্নেহের করে                      জগতেরে রাখ ধরে,  
 রাখ বেঁধে অন্তরে আপন ।  
 এস, মন্দ-বায়ু-গতি !                      সৌন্দর্য-রূপিনী সতী !  
 শোন মোর সৌন্দর্যের গীতা ;  
 মনের দুয়ার খুলি,                      একবার পগ ভুলি,  
 এস দেবী—এস অনিন্দিতা !

## আন-গগনের আলো

আমার কুঞ্জে লতার ছুয়ার নিবিড় ছিল না ভালো,  
তাই ফাঁকি দিয়ে পশেছে আজিকে আন-গগনের আলো ;

স্বজনি—শঙ্খ বাজা,—

আজ আসিয়াছে হৃদয়ে আমার, আমার হৃদয়-রাজা !

অরুণ চরণে শরত প্রভাত—

আজি এল যেন তারি সাথে সাথে,

তারি সাথে সাথে নিবাত সলিলে

হুলিয়া উঠিল আলো ;

স্তব্ধ হিয়ার ছ'কূল প্লাবিয়া কিরণে ভরিয়া গেল ।

কুঞ্জভবনে লতার ছুয়ারে পল্লবদল নাচে,

অমৃত গ্রন্থি তন্তুলতার খুলিলে পরাণ বাঁচে,

উন্মাদ ভালবাসা !

ছিঁড়ে দিলে তুমি সব বন্ধন, তুমি কেড়ে নিলে বাসা ।

শরতের আলো—ত্রিলোক জুড়িয়া—

তারি সাথে হিয়া গেল যে উড়িয়া,

বাতাসে চড়িয়া আর কতদূর

ছুটিব তোমার পাছে,

কোথা যেতে চাও, কোথা লয়ে যাও, হায় গো কাহার কাছে ?

আমার কুঞ্জছুয়ারের পাশে ছিন্ন লতিকা গুলি—

ব্যথিতের মত চেয়ে আছে, হের, মাখিয়া ধরার ধূলি ।

ওগো ! সমুদ্র-পাখী,—

তবু চলিয়াছি তোমারি সঙ্গে ব্যগ্র-ব্যাকুল-অঁধি ।

ভাঙা হৃদয়ের,—ময়ন জলের—

মরু, হ্রদ ; কত মরীচি—ছলের ;

হাসির জ্যোৎস্না স্থখের লহরে

ঘুম যায় নিরিবিলি ;

বিশ্ব-হিয়ার পরতে পরতে হিয়া মোর গেল মিলি ।

বিশ্বে আলোক ফুটেনি, তখন, তুমি এসেছিলে যবে,—

অলোক-আলোকে সঁাতারি কখনো তিমিরে কখনো ডুবে ।

বিশ্ব-ভুবনচারী !—

সৃষ্টি-ছাড়া, কি মন্ত্রের বলে, হৃদয় লইলে কাড়ি ।

নিমেষে ফুটাও নিখিলের ছবি,

নিমেষে বুঝাও বুঝিবার সবি,

নিমেষে ছুটাও ছ্যালোকে ভুলোকে

মোহন বংশী রবে ;

খামিও ছুটেছি, সঁাতারি আলোকে—অঁধারে কখনো ডুবে

## নব বসন্তে

ফুলের বনে

ফুল ফুটেছে,

কোকিল গাহে তায় ;

কিরণ কোলে

লহর দোলে,

সলিল ব'হে যায় ।

ফুলের বনে

পরাগ মনে

পুলক উথলার ।

নূতন স্বাস্থ্য,  
নূতন প্রীতি,  
নিখিল ধরা

নূতন রীতি,  
নূতন গীতি,  
আপন-হারা

নূতন চোখে চায়,  
ফুলের বনে,  
সমীর মুরছায় ।

ফুল ফুটেছে,

সোনার মৃগ

মৃগীর পানে

সোনার চোখে চায়,  
কপোত সনে,

মধুর স্বনে,

কপোতী গান গায়,

সোনার ফড়িং

ভূগের বনে

ঝাঁঝির পিছে ধায় ,

নূতন স্বাস্থ্য,  
নূতন প্রীতি,  
নিখিল ধরা

নূতন রীতি,  
নূতন গীতি,  
আপন-হারা

সোনার চোখে চায় !

ফুলের বনে

পরাণ মনে

পুলক উথলায় ।

বিভোর হ'য়ে

চকোর আজি

টাঁদের পানে চায়,

হৃদয় তলে

প্রেম উথলে

জগৎ ভুলে যায়,

টাঁদ সে ভাসে

নীল আকাশে

আপন জোছনায় ;



তরুণ প্রাণে,	নূতন শ্রীতি,
নূতন রীতি,	নূতন গীতি,
বিভোল ধরা	আপন-হারা
সোনার চোখে চায় ;	
নিখিল মনে	তরুণ মনে
পুলক উথলায় !	

## ফাগুনে

বলে, “আখি-জলে, ছিনু একা, ত্রিয়মাণ  
 তুমি এসে, মুছ হেসে, নব প্রাণ দিলে দান ;  
 মলিন অধরে, মরি,  
 তুমি দিলে স্বধা ভরি’,  
 তোমার চুমায় ফিরে, মনে পড়ে, ভোলা গান ।  
 উদাস নয়নে আলো—  
 তুমি জ্বালায়েছ ভালো,  
 এখন মরণ এলে—হাসিমুখে ঢালি প্রাণ ।”  
 মধুকর, গুণগুনি  
 বলে, “হায় গুণ গনি’  
 এমন ফাগুন দিন—হয় বুঝি অবসান ।”



## বসন্তে

পুলক উষার কিরণ রাগে  
পুলক পাখীর আকুল-গানে ;  
ফুলের গন্ধে পুলক জাগে,  
প্রেমের পুলক কিশোর প্রাণে ।

নূতন ফুলের গন্ধ উঠে  
দিক্‌ বিদিকে যায়রে লুটে,  
চল রে ত্বরায়, চল রে ছুটে,  
চল রে ছুটে ফুলের পানে ।

বাতাস বেয়ে বাতাস ছেয়ে,  
ফুলের গন্ধ দিশেহারা—  
আকাশ পানে চ'ল্ল ধেয়ে,  
যেথায় হাসে উজ্জল তারা ,

আধেক পথে তারার আলো,  
ফুলের গন্ধে মিশিয়ে গেল,  
বইল ধরায় প্রেমের ধারা,  
পুলক ধারা বইল প্রাণে ।

## রূপ-অন

জ্যেষ্ঠ মাস—বৃষ্টি হ'য়ে গেছে,  
আহ্লাদে আকুলা ভাগীরথী ;  
স্নিগ্ধ বাতে ত্রিলোক তুষিছে,  
কৃষ্ণা যেন সেবিছে অতিথি ।

লালে লাল পশ্চিম আকাশ,—  
তপ্ত সোনা—সিন্দূরে—হিঙ্গুলে,  
অঙ্গে ধরি রক্ত চীনবাস,  
জাহ্নবী, চলেছে এলোচুলে !

লাক্ষ্যরাগে রঞ্জিত আকাশে  
খণ্ড নীল দূর্বাদল-শ্রাম,  
প্রলয়ের রক্তে যেন ভাসে  
বাটের পল্লব অভিরাম,—

কায়া তার রক্তিম গঙ্গায়,—  
দেখ চেয়ে—দিব্য কাম্য-কূপ,  
রূপহীনা, কে আছিল্ আয়—  
এ বাটে নাহিলে হয় রূপ !

# মাঙ্গলিক

খান্ধাজ

পরমেশ ! আজি,                      বরষ তোমার  
   আশিষ যুগল শিরে ;  
কর পবিত্র,                                      পুষ্পরি মত,  
   ' এ নব দম্পতিরে ।

আজি হ'তে তা'রা                      বাহিবে তরণী,  
   অকূল সিন্ধু-নীরে ;—

রহে যেন নৈভঃ                                      কিরণে পূরিত,  
   বায়ু বহে সেন দীপ্তে ।

হরষিত শব্দ                                      হৃদয় প্রাণিয়া

   আজি যে পুলক ফিরে,—

সে মধুর প্রীতি,                                      যেন দিবা রাত্তি  
   যুগলে রহে গো ঘিরে ।

## প্রেম ও পরিণয়

স্থখের নিলয়—

সেই পরিণয়,—

প্রণয় যাহে দৃষ্টি রাখে ;

নইলে কেবল

লোহার শিকল,

জীবন-পথে বিষ ডাকে ।

চন্দ্র তারায় সন্ধি ক'রে,

দু'টি হৃদয় বন্দী করে,

কত যুগযুগান্ত ধ'রে

আয়োজন তার চলতে থাকে ।

একটি নারী, একটি নরে,

অপূর্ণে অখণ্ড ক'রে,

প্রাচীন ধরায় তরুণ করে,—

অকণ-রাগে জগৎ আঁকে ।

অমৃত প্রেম মর্ত্যালোকে,

অমৃত সে দুঃখ শোকে ;

জীবন-পৃথির জটিল লেখা—

স্পষ্ট হয় প্রেমিকের চোখে ।

পরিণয়ে সেই সে প্রণয়,

পরিণত বেই দিনে হয়,

সে দিন ফলে অমৃত-ফল—

জগৎ-বিষ-বৃক্ষ-শাখে ।

## জ্যোৎস্নালোকে

তুমি গো আছ                      মগন ঘুমে  
ফুলের বিছানা';  
জানলা দিয়ে                      পড়িছে গিয়ে  
আকুল জোছনা ।  
এই সে ছিল চরণ ছুঁয়ে,  
একটি কোণে, একটু নুয়ে,  
এখন সে যে                      হিয়ায় রাজে,  
হরিণ-লোচনা ।  
সাহস পেয়ে,                      রয়েছে চেয়ে,  
অধীর জোছনা ।

সন্ধ্যা থেকে                      আমার চোখে  
ঘুমের নাহি লেশ ;  
জ্যোৎস্নালোকে                      তোমায় দেখে  
স্বপ্নের নাহি শেষ ।  
আমার ছায়া তোমার বুকে,  
জ্যোৎস্না সাথে ঘুমায় স্নেহে,  
জ্যোৎস্না সাথে                      নয়ন পাতে  
রচিছে মায়া দেশ ।  
সন্ধ্যা থেকে                      আমার চোখে  
ঘুমের নাহি লেশ ।

জ্যোৎস্নাটুকু                      মিলায়, বায়ু  
দোলায় কেশ-পাশ,  
এখনি তবে                      প্রভাত হবে,  
জাগিবে রশ্মি-ভাস ।

সেই বুঝে বসে গেলো

ছিলনা বাধা, হরষ মনে,  
চাহিয়া ছিনু তোমার পানে,  
বিজ্ঞান গেহ                      ছিলনা কেহ  
করিতে পরিহাস :

জ্যোৎস্নাটুকু                      গিলায়, বায়ু  
দোলায় কেশ-পাশ ।

সফল আজি                      জীবন গম,  
সফল জোছনা,  
সফল তব                      রূপের রাশি  
কমল-লোচনা ।

ধৌত করি তারার গালে,  
ধৌত করি যুগির জালে,  
পড়েছে ঝ'রে                      'তোমারি' পবে  
'অমর জোছনা ।

জ্যোৎস্না দেশে,                      রাণার বেশে,  
হরিণ-লোচনা !

## অর্থশ্রী

কহিতে কাহিনী আছে, গাহিবারও আছে গান !  
যত দিন মনোবীণে ভালবাসা ভুলে তান !  
মলয় চলিয়া গেলে ফুল ত' ফুটে না বনে,  
ভালবাসা ফুরাইলে সাদা ত' উঠে না মনে  
দেবতা চলিয়া গেলে, দেউলে না দীপ জ্বলে,  
ভুলেও না উঠে তান—প্রেম যেথা অবসান ।  
ভালবাসা যদি, হায়, বারেক ফিরিয়া চায়,—  
অরুণ চরণ দিয়া—হিয়া পরশিয়া বায়,—  
ফুটে শত শতদল, ছুটে গধু পরিমল,  
জেগে' উঠে কলগীতি—মন প্রাণ কানেকান ।  
গেয়ে না ফুরায় গান,—কথা হয় অফুরান ।

## রূপ ও প্রেম

রূপ ত' হাতের লেখা,            প্রেম সে রচনা ;  
 রূপহীনা নহে প্রেমহীনা ।  
 লেখার এ দোষে শুধু,            স্পর্শিবেনা কাব্য মধু ?  
 প্রেম—বার্থ হবে রূপ বিনা ?

কবি হ'তে শ্রেষ্ঠ কি গো            কেরানী মুহুরী ?  
 প্রেম হ'তে রূপের মাধুরী ?  
 কুরূপে—নয়ন বিনা            কেহ ত' করে না স্রণা,  
 প্রেম যা'র হৃদয় বে তা'রি ।

চাঁদের কিরণ সেও            চুম্বে তার গায়,  
 মলয়া সে কুন্তল দোলায়,  
 যৌবন-দেবতা করে            রাজ্য—সে দেহের' পরে,  
 মনে প্রাণে বহে প্রেম-বায় !

তবে কিরায়োনা আঁখি            কুরূপ বলিয়া,  
 যেয়োনা গো চরণে দলিয়া,  
 নিশির স্নেহের গেহে,            দেখো, রূপহীন দেহে,  
 প্রেমে রূপ উঠে উথলিয়া !



## ঘেঁষের কাহিনী

সম্মুখ হৃদে, জর্জর দেহে, ঘুমায়ে আছি নু ভাই,  
লবণে জড়িত লহরের কোলে ঘুমেও স্বস্তি নাই ;  
সহসা পূরবে, তরুণ অরুণ হাসিয়া দিলেন দেখা,  
আমি জাগিলাম, বুকে দেখিলাম অরুণ-কিরণ লেখা !

কিরণাঙ্গুলি ধরি'

আমি, উঠিলাম ত্বরাকরি',  
কম্পিত, ক্ষোণ, জর্জর তনু—ললাটে বহি-শিখা ।

তৃণ পল্লবে, নিম্ন বায়ুতে আপনার জ্বালা ঢালি'  
উচ্চ গিরির উন্নত চূড়ে উঠিতে লাগিনু খালি ;  
কঠোর শিলার পরশে আমার নয়নে বারিল জল,  
ভল ভল চোখে লাগিনু উঠিতে—ছ'ইনু গগনতল ।

ভুবিলেন দিননাথ,

হাসি, পবন ধরিল হাত ;  
ভ্রমারের মত হ'য়ে গেল দেহ, ফুরাল সকল বল ।

\*

\*

\*

\*

বাতাসের মাথে বরি হাতে হাতে গগনে ছুটিনু কত,  
পলে পলে ধরি অভিনয় রূপ --খেলি বাতাসেরি মত ;  
চন্দ্রমা আর গ্রহ তারকার সকল বারতা লয়ে—  
ঘরঘের পথ মনের আবেশে নিমেষে চলিনু ধেষে :

কত যে হেরিনু, আহা,

কড়ু, মপনে ভাবিনি নাচা ।

ডাকে মোরে দূর চাকর, ময়ূর, কবি -- গান গেয়ে গেয়ে !

বিশ্বের ডাক শুনেছি আবার—হৃদয় ভ'রেছে স্নেহে,  
বিশ্বের প্রেমে পরাণ আমার ধরেনা ক্ষুদ্র দেহে ;  
বুকে ধরি খর বিজলীর জ্বালা বুকেছি আপনি জ্বলে'  
ধরণীর জ্বালা, তাই ত' আবার চলিয়াছি মহীতলে ।

মরুতে যে বায়ু ব'য়—

আর, করিনা তাহারে ভয় ;

রঙীন মেখলা পরিয়া চলেছি আশা দিতে ফুলদলে ।

আমারি মতন কত শত মেঘ জুটেছে আজিকে হেথা,  
কাজলের মত বরণ, গাহিছে জীমুত-মস্ত-গাথা ।

চলিতে ছলিছে শত গোস্তুন, পূর্ণ শীতল রসে,  
বেদনা তাপিতা আবেশে ঘুমায়, কবরীবন্ধ খসে ;

টুটে কতচুড় জটা,

তাহে, ফুটে দামিনীর ছটা,

কুন্তল ভার—আকুল ধরার চোখে মুখে পড়ে এসে ।

ঝঝর রবে ঝরে বারিধার, শিপিলাত কেশ, বেশ ;  
গর্জজন ধ্বনি সহসা উঠিল ব্যাপিয়া সর্বদেশ ।

এ পারে বজ্র অটু হামিল, ও পারে প্রতিধ্বনি,—  
সংজ্ঞা হারা'নু, কি যে হ'ল পরে আর কিছু নাহি জানি ।

জাগিনু যখন শেষ,

দেখি, আছি আমি ব্যাপি' দেশ,

ভূতলে অতলে যেতেছে মিলায়ে আমারি সে তনুখানি ।

আজ নাহি মোর জোছনা সিনান, কিরণে শিঙার নাই,

নাহি রামধনু-মেখলা আমার, নাই কিছু নাই, ভাই ;

আজ আমি শুধু সলিল-বিন্দু, ভাই আজি মোর ধূলি,

টাদের মিতালি ভোলা যায়, করি' তার সাথে কোলাকুলি

আমি, নহি নহি মেঘ আর,

এবে, জল আমি পিপাসার,

সার্থক আজি জন্ম আমার—যুথিরে ফুটায়ে তুলি ।

## বর্ষায়

শ্রবণ, পরিণত—

কদম কেশর

ঝরিছে এ পাশে ও পাশে ;

মৃদু-বিকশিত

কেতকীর রেণু

ফুরিছে বাতাসে বাতাসে ।

মেঘ

আসে যায় বারেবার,

ঝরে বারিধারা,

কদম কেশর,

মিলে মিশে একাকার ।

বহুদিন পরে

চলিয়াছি গ্রামে,

নূতন হয়েছে পুরাণো ।

চোখের উপরে

বেড়ে ওঠে ধান,—

দায় হ'ল অঁাখি ফিরানো ।

নাচে

ঝুলঝুলি আর ফিঙে,

জাল ফেলে ফেলে

জেলের ছেলেরা

বেয়ে নিয়ে চলে ডিঙে ।

ধীরে মন্থরে

গ্রামের ধরণে

চলেছে গ্রামের লোকেরা,

অলস গমনে

জল বহে বধু,

মেঘে মিশে যায় বকেরা ।

কা'রে

নাম ধ'রে ডাকে দূরে,

দূর হ'তে তার

ফিরে আসে সাড়া

মাঠে মাঠে ঘুরে ঘুরে ।

গান্ধী সাথে লয়ে একা পথ দিয়ে  
চলেছে চাষার ঝিয়ারী,  
নূতন বয়স, সরস শরীর,  
চাহনি নূতন তাহারি ;  
তাঁরে এ দিঠি শিখা'ল কে গো ?  
বয়সের রীতি কে শিখায় নিতি  
এ বিজনে, ব'লে দে গো !

সে যে অপরূপ বরষার মত,—  
আপনি উঠে গো ভরিয়া,  
সে যে সচকিত দামিনীর মত  
প্রাণ আগে লয় হরিয়া ।  
সে যে ধানের ক্ষেতেরি মত,—  
চোখের উপরে বাড়ে পলে পলে  
চেউ উঠে শত শত ।

সাথে গান্ধী লয়ে পশিল কুটীরে  
কিশোরী চাষার ঝিয়ারী,  
পুলকে অমনি উঠিল ডাকিয়া  
কুকুর—তাহার ছয়ারী !  
হেথা জল নেমে এল হেনে,  
বাদলের ধারা বাদ সাধিল রে  
চিকের পর্দা টেনে !

## সারিকার প্রতি

সারিকা । কোথারে আজি—মাগরিকা—কোথা আজ,  
অঁকিছে কাহার ছবি, বলিতে কেনলো লাজ ?

সে দিন লুকায়ে রহি,  
গেছিলি সকলি কহি,  
আজিরে নীরব কেন—বনবীণা বাজ, বাজ ।

আজিও তেমনি কিরে, কদলীর ছায়ে রহি,  
তপনের—মদনের—তনু মনে জ্বালা সহি,  
শীতল কদলী ছায়  
শয়ান রচিয়া হায়,  
বিভোরে আছে কি বসি সে আমার পথ চাহি ?

আজো কি আমার ছবি—ফেলিয়া সকল কাজ—  
অঁকিছে গোপনে, বালা, মলিন নলিন সাজ ?  
আজো কি হৃদয়'পরে—  
আমার মুরতি ধরে ?  
আজো কি তাহার মনে লীলা করে ঋতুরাজ ।

## আকুল আহ্বান

এস নাথ !      এস নাথ !      এস নাথ !

বসন্ত প্রভাত !      সুখ-বসন্ত প্রভাত !

কোকিল সে কুহু কুহরিল,

শিহরি উঠিল বন-বাত ;

গুঞ্জরি' অলি বাহিরিল

বকুল গন্ধ সাথে সাথে !

এস নাথ !      এস নাথ !      এস নাথ !

বকুল বারিয়া মরিল গো,

চম্পকও হ'ল পরিল্লান ;

মুচ্ছিত তাপে শিরীষ শুচ্ছ,

তনুমন আজি ত্রিয়মাণ ।

‘ফটিক জল’ — ‘ফটিক জল’ —

চাতক ফুকারে সবিষাদ ;

আমি লাজভীতে নারি ফুকানিতে,

এস নাথ !      এস নাথ !      এস নাথ !

নিদ্রিত পুরে বায়ু ‘হাহা’ করে,

ঘন বরষণে কাটে রাত,

কত যুথি ধরে—কে গণনা করে ?

হায় নাথ !      হায় নাথ !      হায় নাথ !

কদম কেতকে বনভূমি ছায়,  
দাদুরী অঁধারে কাঁদে রে,  
ফুল সম হিয়া ফুটিবারে চায়—  
তারে কে আজিকে বাঁধে রে !  
কেতকী মলিন, নীপ রূপহীন,  
কমল খুলিল অঁখি পাত ;  
জ্যোৎস্না হাসিল প্রাবিয়া ধরণী ;—  
এস নাথ ! এস নাথ ! এস নাথ !

উত্তরে হাওয়া ফিরিল গো,  
উলুকা ফুকারে সারারাত ;  
তুমি তো এলে না—তবু, ফিরিলে না,—  
হায় নাথ ! হায় নাথ ! হায় নাথ !

কুন্দ কাঁদিয়া ছুখে, হায়,  
ঝরিয়া গিশায় কুয়াসায় ;  
বিধবা কানন-বল্লরী, মরি,  
মলিন আকাশপানে চায় ।  
দীর্ঘ যামিনী কাটে না আর,  
না মুদে হায় নয়ন-পাত ;  
ডাকে তক্ষক—বন-রক্ষক ;  
হায় নাথ ! হায় নাথ ! হায় নাথ !

## অবসান

চ'লে যাও—ওগো, চ'লে যাও,—

বকুল ফুলেরে দ'লে যাও ।

হেথায় ধূলির মাঝে

কে মুখ লুকা'ল লাজে,—

সে কথা শুনিতে কেন চাও ?

অঁধারে ফুটিয়া সে যে

অঁধারে ঝরিয়া গেছে,

তার কথা—কেন গো স্মৃতিতে ?

তাহার রূপের ভায়

তারি ন' ফুটেনি হয়,

বড় আশা ?—ছিল না ত' তা'ও ।

ঝরিয়া পথেরি ধারে

ছিল সে পড়িয়া, হা—রে

চরণে দলেছ—ভাল—যাও ।

ধূলি-মাখা একাকার,

তার পানে রূথা আর

আকুল নয়নে কেন চাও ?

তা'রি সে শেষ নিশ্বাস—

এখন' বহে বাতাস ।

হেথা হ'তে—নিঠুর !—পালাও ।



## আলোকলতা

মূল নাই, ফুল ফল পত্র নাই মোর,  
বাতাসে জনম মম, তরুণিরে বাস ;  
তন্তু সম মৃক্ষ তনু, স্বর্ণের জোর,  
যে মোরে আশ্রয় দেয় তা'রি সর্বনাশ ।

চিনেছ ? ‘আলোকলতা’ বলে মোরে লোকে ;  
যে মোরে আদরে শিরে ধরে আপনার—  
নিস্তার নাহিক তার, বেড়ি পাকে, পাকে,  
শ্রীহীন, লাভণ্যহীন, করি তনু তার,—

রস মরে, পত্র ঝরে, শরীর শুকায়,  
আত্মহারা আলিঙ্গনে—তরু—এ তনুর,—  
সমাচ্ছন্ন পরশের মোহ-মদিরায় ;  
প্রতিবাত্তে কাঁপে দেহ অসার তরুর ।

শুকাইলে রক্ষ, আমি, তবে সে শুকাই ;  
আলোকের ধন, পুনঃ, আলোকে লুকাই ।

## উদ্ভাস

আন বীণা, বাঁধ তার, ঢাল সুরা, গাহ গান ;  
যে গিয়েছে—কথা তার, কর আজি অবসান ।

যে ফুল গিয়েছে ঝ'রে, সে আর ফিরিবে নারে,  
যে পাখী মরেছে হায়—গিয়েছে সে চিরতরে ;  
যোছ তবে আঁখি-ধার—কাঁদিয়া কি হ'বে আর ?  
ঢাল সুরা—করি পান, তোল গো নূতন তান,  
শ্মশানে জনম যা'র—তা'রো কেন কাঁদে প্রাণ !

আমার এ আঁখি দিয়ে অশ্রু বহে না গো,  
এ প্রাণ আপন ব্যথা কাঁদেও কহে না গো,  
আমার বেদনা বুকে, এমন পাইনে খুঁজে,  
এ জগতে যাতনার—পরিহাস—প্রতিদান !  
পাষাণে পাষাণ হানি' তোল তবে কলতান !

বীণারে তুলিয়া লও, যত দিন আছে তার,—  
তোমার ব্যথায় হায় কাঁদিবে সে শতবার,  
কণ্ঠে মিলায়ে তান—গাহিবে করুণ গান,  
তাহারে ধর গো বুকে—কর শোক অবসান ;  
তোল ফিরে কলগান, পাষাণে বাঁধিয়া প্রাণ !

## ব্যর্থ

অতিথি ফিরিয়া গেছে,  
আয়োজনে এখন কি ফল ?  
চাতক মরিয়া গেছে,  
আজি আর মেঘে কেন জল ;  
গোলাপ ঝরিয়া গেছে,  
ফিরে যা' রে পবন পাগল ।

টুটিয়াছে সুরার পেয়ালা,  
শুষ্ক মাটি লয়েছে শুষ্কিয়া ;  
ভেঙেছে ত' ভেঙে যাক্ খেলা,  
ঘরে পরে কি হ'বে দুষ্কিয়া ?  
নিশিদিন পঙ্কর-পিঙ্করে  
মরা পাখী কি হ'বে পুষ্কিয়া ?

ঘামিনী পোহায়ৈ যদি গেল—  
এখন এ বৃথা অঙ্গ-রাগ ;  
নয়নের নেশা ত' ফুরা'ল,—  
মিছে কেন কথার সোহাগ ?  
লিখে লিখে সাদা হ'ল কাল,  
ছিঁড়ে ফেল,—চিহ্ন ঘুচে যাক্

## দ্ব্যষ্ট

আনন্দে অমৃত-গন্ধ আছিল তখন,  
তীব্র ছিল দুঃখ অভিমান,  
অনুভূতি তীক্ষ্ণ ছিল, পুষ্প সম মন,  
ভালবাসা ছিলনাক' ভাণ ।

তখনি সে পরিচয় তোমায় আমায়,  
কত দিন—কতদিন গেছে ;  
এত ঘনিষ্ঠতা,—শেষে, কে জানিত হায়,  
অচেনার মত র'ব বেঁচে ?

তুমি ডুবিয়াছ পঙ্কে আমি সশঙ্কিত,  
মজি নিজে—কখন—কে জানে ;  
পাছে এ কাহিনী হয় অন্যের বিদিত,—  
ফিরে নাহি চাহি তোমা' পানে ।

হয় ত' হ'তাম সুখী আমরা দু'টিতে,—  
হেলা ভরে তুমি গেলো চলি' ;  
প্রেম-শতদল হায় ফুটিতে ফুটিতে—  
মনে পড়ে ?—গিয়েছিলে দলি' ।

মানুষ পাষণ হয়, কর কি প্রত্যয় ?  
 চেয়ে দেখ—সাক্ষী তার আমি ;  
 ঠেকিয়া শিখেছি এবে, কেহ কার' নয়,-  
 সত্য কি না জানে অন্তর্যামী ।

কেনা, বেচা, বেনেগিরি কানাকড়ি নিয়ে,  
 হট্টগোল হাটের মাঝারে ;  
 ক্ষয় গেল সোনাটুকু যাচিয়ে, যাচিয়ে,  
 প্রতিদিন দোকানে, বাজারে,—

অধরে যে হাসি ছিল—মিশেছে অধরে,  
 জঙ্ঘলের ফুলের মতন ;  
 নয়নে যে জ্যোতি ছিল, শুধু অনাদরে,  
 নয়নে সে হয়েছে মগন ।

যে দিন পাঠায়েছিলুম প্রেম-নিমন্ত্রণ—  
 অবসর হয়নি তোমার,  
 আজ তুমি উজ্জ্বলি করেছ গ্রহণ,  
 কি অদৃষ্ট তোমার আমার !

ভেব'না যন্ত্রণা দিতে, গঞ্জনা, ধিকারে,  
 আজ আমি এসেছি হেথায়,  
 আপনার চেয়ে ভালবেসেছিলুম যা'রে—  
 তা'র কথা কা'রে কথা যায় ?

বাহিরে, যেথায় তোরে করে পরিহাস—

ক্ষীণ-কণ্ঠে সেথা তুলি হাসি,

অস্তরে অস্তরে বাঁধা স্মৃতি-নাগপাশ,

সংগোপনে অশ্রুজলে ভাসি ।

তবুও কাদেনা প্রাণ পূর্বের মতন,—

অনুভূতি তীক্ষ্ণ নহে আর,

জেনেছি মৃত্যুর স্বাদ না যেতে জীবন ;

অশ্রুশূন্য শুষ্ক হাহাকার !

## মানুষ

বিফল যদি হয় গো প্রণয়—বিফল হ'তে দাও ;

স্বথের পরে দুঃখ পেলো—আর কি বেশী চাও ?

তোমার মনের আকুলতা

বুঝতে পারে তরুলতা,

মানুষ যদি না বুঝে তা'—সইতে হবে তা'ও ।

প্রেম দিয়েছ প্রেমের ধনী,

দিয়েছ ঋণ—হওনি ঋণী,

রিক্ত তবু মুক্ত তুমি—সেই পুলকেই গাও ।

প্রণয় হারিয়েছিস ব'লে,

পড়িসনে ভাই দুঃখে হেলে,

প্রেমের সঙ্গে প্রাণ যেতে চায়—তারেও যেতে দাও

## একদিন-না-একদিন

একদিন-না-একদিন, কারো-না-কারো কপালে,  
ঘটেছে যা'—তাই নিয়ে ভাই বৃথাই মাথা বকা'লে

সীতার নামে কলঙ্ক আর লক্ষ্মণেরে অবিশ্বাস,  
ধ্যানভঙ্গ শঙ্করের ও যুধিষ্ঠিরের নরকবাস ;  
এমন সকল কাণ্ড যখন আগেই গেছে ঘ'টে,  
তখন তুমি খ্যাতির খেদে গরম কেন চ'টে ?

চ'লতে গেলেই লাগে ধূলো,

ধুয়ো তখন ও সব গুলো,

তা'ব'লে কি পথ দিয়ে, ভাই, চ'লবে নাক' মোটে ?

একদিন-না-একদিন, কারো-না-কারো কপালে,

ঘটেছে যা' তাই নিয়ে ভাই বৃথাই মাথা বকা'লে ।

অরসিকে রসের কথায় হয়ত' যাবে ভোলা'তে,  
অপ্রেমিকে মনের ব্যথায় হয়ত' যাবে গলা'তে ;  
অঘটন যা' ঘ'টবে তা'তে—সেটা কিন্তু স্বাভাবিক ।  
কাজেই তা'তে বিলাপাদি, বেশী রকম, নহে ঠিক ।

পরকে কেন মন্দ কই ?

মনের মত নিজেই নই ।

আমাদের এই রোষ তুষ্টি—অধিকাংশই আকস্মিক !

একদিন-না-একদিন, কারো-না-কারো কপালে,  
ঘটেছে যা' তাই নিয়ে ভাই বৃথাই মাথা বকা'লে



## বৈশ-তর্প

জলের লীলা মিলিয়ে গেল নিবিড় অঁধারে,

আলোক মালা উঠল ফুটে নদীর ছঁধারে ;

নৌকা'পরে আলোক নড়ে,

নদীর জলে রশ্মি পড়ে ;

উকি দিয়ে ঢেউগুলি তায় ছুটছে কোথা রে ;—

বুঝি বা কোন্ ঘুরনি দিয়ে অতল পাথারে ।

পরান আমার কেমন তা'তে হ'ল যে বিকল,

প'ড়ল ঘন নিশাস, চোখেও প'ড়ল এসে জল ।

অমনি ক'রে আমার মনে উকি দিয়ে হায়,

কতই গাসি-মুখের ছবি নিমেষে লুকায় ;

কেউ বা ভালবেসেছিল,

মধুর মুহূ হেসেছিল,

কার কাছে বা ততটুকুও হয়নিক' আদায়,

কেউ বা গেছে মানে মানে, কেউ ঠেকেছে দায় ।

সবার তরেই আজকে আমি হ'য়েছি বিহ্বল ;

উঠছে ঘন নিশাস, চোখেও প'ড়ছে এসে জল ।

কেউ ডুবেছে অতল জলে, ভেসেছে বা কেউ—

ছুটেছে কেউ কূলের পানে মথন ক'রে ঢেউ ;

কেউ হরষে জলে ভাসে,

কূলের পানে চেয়ে হাসে,



কেউ বা ভাসে চোখের জলে, ত্রাসে মরে কেউ  
কূলে ব'সে উদাস মনে কেউ বা গণে ঢেউ,

আজ্কে আমি সবার তরেই হয়েছি বিহ্বল,  
প'ড়ছে ঘন নিশাস, চোখের শুকায় নাক' জল

যে কেউ মোরে ক'রে গেছ স্নেহের অধিকারী,—  
নয়ন-জলে জানাব আজ আমি সে সবারি ;

জানিয়ে যাব আরো বেশী,  
হয়নি যেথা মেশামেশি,—

ঘটেছিল যেথায় শুধু চোখের লেনা দেনা ।

জানিয়ে দেব চোখের জলে আমি সবার কেনা ।

আমি যে আজ সবার তরেই রেখেছি কেবল,  
একটা ঘন নিশাস, চোখের একটি ফোঁটা জল ।

## মৎস্য-গন্ধা

দ্বীপে উষা এল কুয়াসায়,—  
কোলের মানুষ চেনা দায়,—  
চারি ধারে ঘিরি' তা'রে জলের আক্ৰোশ,  
বাহিরে রোষের ছায়া—অন্তরে মন্তোষ ।

হিম রাশি ফণা তুলে ধায়,  
মৎস্য-গন্ধা তরণী ভাসায় ।

তরী চলে ডুবায়ে মৃণাল.

হাতে তার আর্দ্র কালো জাল ;  
দৃঢ় মৃষ্টি—টানে জাল, পড়েনিরে মীন ।  
হ'য়োনা মলিনা বালা আজি শুভদিন ;—

জালে ধরা দেছে পরাশর !

তরী'পরে সোনার বাসর ।

কোথা দিয়ে কাটে দিন রাত,  
ধামি নাহি মূদে আশ্বি-পাত ;  
ধীরে ধীরে মিলাইল—কুয়াসার ঘর,  
কাটায় মোহের ঘোর উঠে পরাশর ।

মৎস্য-গন্ধা—পদ্ম-গন্ধা আজ,

কোলে তার শিশু 'ব্যাস' করিছে বিরাজ

## আলেয়া

“পুড়ে মরি—পতি নাহি পাই,  
কোথা পা’ব জুড়াবার ঠাই ?  
জ্বালার অবধি মোর নাই ।

দিন রাত শুধু হাহাকার,  
শ্বাস-বায়ু অনল আমার,  
মৃত্যু হ’ল—গেল না বিকার !

জ্বলে মরি, আকুল জ্বালায়,  
ঘুরি তাই বিজনে জ্বালায়,  
মোর পিছে— কেন এস, হায় !

ফিরে যাও পথিক, পথিক,  
মাড়ায়োনা কখন’ এ দিক্,  
এ পথের নাহি কোন’ ঠিক্ ।

ধ্রুব-তারা নহি আমি ভাই,  
আলেয়ার পোড়া যথৈ ছাই,  
পুড়ে মরি—পতি নাহি পাই ।

নীতল হইবে তনু ব’লে—  
মাঝে মাঝে ডুবি গিয়া জলে,  
উঠিলে দ্বিগুণ পুনঃ জলে ।

মুখ দিয়া উগারি অনল,  
পবন ছড়ায় হলাহল,  
কণকাল—সকলি বিকল ।

৭৬ ৩ ১০

আবার যা' ছিল হয় তাই,  
শাস্তি নাই—যন্ত্রণা সদাই,  
পরিণাম হ'ত যদি ছাই ।

ভাবিতাম বেঁচে সুখ নাই,  
এবে দেখি মরণেও তাই,  
পুড়ে মরি—পতি নাহি পাই ।”

### সহযাত্রী

‘জিহ্মাসিচ্ছ পোড়া কেন গা’ ?  
শুনিবে তা’ ?—শোন তবে মা—  
ছুথের কথা বলব কা’রে বা ।

জন্ম আমার হিঁদুর ঘরে,  
বাপের ঘরে, খুব আদরে,  
ছিলাম বছর দশ ;  
কুলীন পিতা, কুলের গোলে,  
ফেলে দিলেন বুড়ার গলে ;  
হ’লাম পরের বশ ।

আচারে তার আস্ত হাসি,  
—বলব কি আর পরকাশি,—  
মিটল সকল সাধ ;—

যে গু ও বীণা

হিঁদুর মেয়ে অনেক ক'রে  
শ্রদ্ধা রাখে স্বামীর'পরে,  
তা'তেও বিধির বাদ ।

বুড়াকালের অত্যাচারে,—  
শব্যাশায়ী ক'রুলে তা'রে,  
জেগেই পোহাই রাতি ;  
দিন কাটেত' কাটেনা রাত,  
মাসেক পরে গেল হঠাৎ,—  
নিব্ল জীবন-বাতি ।

কতক ঢাখে, কতক ভয়ে,  
শরীর এল অবশ হ'য়ে  
ভাঙল স্ত্রের হাট ;  
খয়ের রাশি ছড়িয়ে পথে,  
চ'লল নিয়ে শবের সাথে,—  
যেথায় শ্মশান-ঘাট ।

গুড়িয়ে শাঁখা, সবাই মিলে,  
চিতায় মোরে বসিয়ে দিলে,  
বাজল শতেক শাঁখ ;  
লোকের ভিড়ে ভরেছে ঘাট,  
ধোঁয়ায় চিতার আধ্ ভিজা কাঠ,  
উঠল গর্জ্জ ঢাক ।

রোমে, রোমে, শিরায়, শিরায়,  
জ্বালা ধরে,—প্রাণ বাহিরায়,—

মরি বুঝি ধোঁয়ায় এবার !  
আচম্বিতে—চীৎকার রোলে—

চিতা ভেঙে পড়িলাম জলে,  
মাঝি এক নিল নায়ে তার ।

যত লোক করে ‘মার মার’,  
আমার ত’ সংজ্ঞা নাই আর ;

যবে ফিরে মেলিনু নয়ান,  
দেখি, এক কুটীরের মাঝে  
সেই মাঝি—আছে বসে কাছে,—

যে মোরে জীবন দেছে দান ।  
কয়দিন গেল শুধু কাঁদি ;  
শেষে তারে করিলাম ‘সাদি’,

ভুলিলাম ক্রমে যত ক্লেশ ;  
আগুনে গিয়েছে জ্ব’লে রূপ,  
তবু ভালবাসে পোড়া মুখ,  
হুখে হুখে দিন কাটে বেশ ।

\*

\*

\*

খেয়া দেয় মরদ জোয়ান,  
আছে আরো দেড় বিঘা ধান ;  
আমি নিজের মিশি বেচি মা,—  
‘শুনিলেত’—পোড়া কেন গা’ !

## চিত্রাঙ্গিতা

২৫

কে তুমি মহিমাময়ী, অয়ি চিত্রাঙ্গিতা,  
ধরিয়াছ বীণা-ছাঁদে শিশুরে আপন ?  
কচি মুখ খানি তার, চুলে ভরা মাথা,  
দেখাইছ স্নেহভরে ; করিয়া গোপন

নিজ মুখ, মাতার উচিত মহিমায় ;  
আকর্ষিতে দৃষ্টি শুধু সন্তানের পরে,  
নিজরূপ অপ্রকাশ রেখেছ হেলায় ;  
জননী তুমিই বটে—বিধাতার বরে ।

দেখা যায় শিরে রুম্ম কবরী তোমার,—  
প্রবাসে কি পতি তব ? অয়ি মৃদুপানি ।  
পাশে যে কুকুর তব—হায়, সে কাহার ?—  
কোথা তিনি ?—সেথা কি যায় না ছবিখানি ?

তাই কি, নয়ন-জল করিতে গোপন,—  
বসেছ—ফিরায়ে হায় মু'খানি আপন ?

## মমতাজ

হে সুন্দরী, অয়ি মমতাজ !

শোন গো তোমার জয়,  
শোন সৌন্দর্যের জয়,  
বিশ্বময় শুধু ওই আজ !

সৌন্দর্য-দেবতা তুমি রাণী !

প্রেমের প্রতিমা তুমি,  
তোমার সমাধি-ভূমি—  
প্রেমিকের চির মৌন বাণী !

সম্রাটের মমতা-পুতলী !

মোমের রচিত দেহ,  
ফুলের রচিত গেহ,—  
ছেড়ে তুমি কোথা গেলে চলি' ?

তোমার তনুর অনুরাগে,  
দেখগো, পাথর কিবা  
পুঞ্জিত ফুলের শোভা  
ধরিয়া, তোমাতে ঘিরি' জাগে ।

সম্রাটের রত্নময়ী তাজ !

ইচ্ছদেবী শাজাহান,  
দেখিলে না একবার—  
কি ধনে মণ্ডিত তুমি আজ ?



## যাছুঘর

যাছুঘরের কবাট পড়ে,  
মায়াদেবীর টনক নড়ে,  
যেথায় ছিল যে,—  
মায়ার কলে,—নূতন বলে,—  
উঠল সে বেঁচে !

## মমি

পাশ মোড়া দিয়া,                      ঢাকন ঠেলিয়া,  
জাগিয়া উঠিল ‘মমি’,  
মিশরের যত                      বুড়া যাছুকর  
দাঁড়া’ল তাহারে নমি’ ।

গু’ড়া হ’য়ে পড়ে                      পুঁথি, বেশবাস,  
গু’ড়া হ’য়ে ঝরে চন্দ্রা ;  
যত চাহি তত                      মনে বাড়ে ত্রাস,  
তত বাহিরায় ঘন্ম !

বাম হাতে তাঁর                      কবিতার পুঁথি,  
হরিতালে মোড়া মুখ,  
নয়ন কোটরে                      অতল অঁধার ;  
ছরু ছরু কাঁপে বুক !

অতি ক্ষীণ সুরে,                      কহিল, সে ধীরে,  
সোঙরিয়া ‘রমেশেশ’,—

“নীল নদ নীরে                      বন শরবন,  
তীরে সে মিশর দেশ ;

আমি সে দেশের                      রাজার সভায়  
ছিলাম প্রধান কবি ;

আজি কেহ নাই                      বুঝিতে সে বাণী,—  
বুঝিতে সে সব ছবি ।

কমলের বন                      হয়েছে উজাড়,  
সুগালে সে শোভা নাই ;

কালি যেথ      ছল                      রাজার প্রাসাদ,—  
ধি      । আজি সে ঠাই ।

মরেছে হরিণ                      হ’ল বহুদিন,  
ছিল তবু সুগনাভি ;—

তিলে তিলে ক্ষ’য়ে                      মোর গাথা মনে  
ফুরাইবে—তাই ভাবি ।

আছিল যখন                      মিশরের দেহে  
শক্তি-সতেজ প্রাণ,—

পৃথিবী তখন                      স্থপতি কলার  
পায়নিক’ সন্ধান,

স্নায়ু ও শিরায়,                      যবে, হাতে, পা’য়,  
ক্ষীণ হ’য়ে এল বল,—

স্থপতি, ভাস্কর,                      কবি, চিত্রকর,  
বাঁচিতে করিল কল !


বে শু ও বী না,


কূপের সলিল                      ছড়াইতে মাঠে  
শুকায়ে উঠিল কূপ,  
পাথরের চাপে                      মরেছে মানুষ,  
পুরী মরু সমরূপ ।

কে দেখিবে ছবি,                      প্রতিমা, দেউল,  
কে শুনিবে আজি গান ?  
মরিয়াছে মৃগ                      ভূষায় পাগল,—  
বোঝেনি—মরুর ভাণ ।”  
পাশ-মোড়া দিয়া                      ঢাকনের তলে  
ঘুমায়ে পড়িল ‘মমি’,  
কে কোথা লুকাল                      কিছু না বুঝিল  
উঠিল মথন মমি ।

মাছুঘরে অন্ধকার ।  
ঘোরে কত জানোয়ার ।  
ডাকে কত পাখী,  
মাছ কিল্ কিল,                      সাপ হিল্ বিল্,  
শিলা ঝেলে অঁাখি ।

তা’ সবে এড়ায়ে ছাড়ি হাফ,  
ভাড়াভাড়ি—একেবারে নেমে পড়ি, গোটা কুড়ি ধাপ ;  
‘মায়ার সহিত  
আসি উপনীত—’  
যেথায় সাজান’ শুধু পাথরের চাপ ।





## যক্ষ-যুষ্টি

তা'রি মাঝে, দেখিলাম অপরূপ—  
পাশাণে খোদিত, এক মনোরম—মদনের যুগ !  
মত্ত যক্ষ-বাজ,  
মুরজার লাজ—  
ভাঙিতে, যতনে এত, তবু সে বিরূপ !

শিশু-কাম দিতেছে বসনে টান,  
কুবের সাধিছে ধরি'—'রতিফল' করিবারে পান ;  
বাধা দিয়া তায়—  
দ্বিগুণ বাড়ায়,  
আশ্রম জ্বলিলে আর নাহি পরিত্রাণ,

“কথা রাখ—আর ফিরায়েনা মুখ,  
এবার—পড়েছ ধরা, স্মৃথে যে দ্বিগুণ দেখি বুক ।  
মুখে শুধু রোষ,  
মন পরিতোষ,  
কি যে স্বভাবের দোষ—তবু দিবে ভুখ ।”

কত যুগ অমনি কেটেছে, হায়,  
স্বাক্ষিতে বিরতি নাই, তবু মুখ কিছু না ফিরায় ।  
তবু, পেতে হাত—  
কাটে দিন রাত,  
যুলে সে হাবাত হ'লে, কি ক'ত উপায় ৷

কত যুগ অমনি গিয়েছে চ'লে !  
 ধরিয়া রয়েছে, তবু আনিতে পারনি তারে কোলে ;  
 আর তুমি,—পাশে,—  
 ক্ষুরিত উল্লাসে,—  
 স্থির যে র'য়েছে আজো—সে পাষাণী ব'লে ।

## মমির হস্ত

( ১ )

কার দেহে, কোন কালে, লগ্ন ছিলে তুমি,—  
 নীলিমা-মণ্ডিত, ক্ষুদ্র, কঙ্কালাগ্র কর ?  
 তার পর কত গেছে সহস্র বৎসর—  
 রক্ষা-লেপে লিপ্ত হ'য়ে লভিয়াছ তুমি ?

কবে সে—কবে সে হায়, গেছে তোরে চুমি',  
 মানবের সম্ভ্রবন তপ্ত ওষ্ঠাধর  
 শেষ বার ? হায়, কত যুগ-যুগান্তর  
 আগে, শিশুর আগ্রহ স্পর্শিয়াছ তুমি

জননীর বুক ; কত খেলিয়াছ খেলা,—  
 কত নিধি উৎসাহে ধরিয়া ফেলে দেছ,—  
 প্রথম যৌবনে কত করিয়াছ লীলা ;  
 নব রক্তোচ্ছ্বাসে সাজি, কতই খেলেছ—

লয়ে নিজ কেশ, বেশ, নয়ন, অধর  
 আজ অস্থিসার—তবু মুগ্ধ এ অন্তর !

রাজদণ্ড হয় ত' গো ধরিয়াছ তুমি,  
আজ তুমি কাচ পাত্রে কৌতুক-আগারে !

আজ গ্রাহ্য কেহ নাহি করে গো তোমারে,  
দিন ছিল, হয় ত' কৃতার্থ হ'ত চুমি,  
জনমিয়া ছুঁয়েছিলে কোথাকার তুমি,  
আজ তুমি কোথা, হায়, কোন দূর দেশে !

আজ ভালবেসে তোমা' কেহ না পরশে,  
প্রত্নতত্ত্বজ্ঞের এবে ক্রীড়নক তুমি,  
ওই তুমি—চিন্তাজ্বর করেছ মোচন,—  
গোপন করেছ হাসি, মুছেছ নয়ন ;

ওই তুমি—হয় ত' গো করেছ রচন  
ফুলহার,—কারো তরে কুশুম শয়ন !  
দেহচ্যুত, অবজ্ঞাত, হায়রে উদাসী,  
ভালবাসি চাহ যদি—আমি ভালবাসি ।

## ডাক টিকিট

ডাক টিকিটের রাশি—আমি ভালবাসি,  
যদি তা' পুরাণো হয়—ব্যবহার করা,  
ছেঁড়া, কাটা, ছাপমারা স্বদেশী, বিদেশী ;—  
তা' সব পেরশি' যেন হাতে পাই ধরা !

যুক্তরাজ্য, চিলি, পেরু, ফিজি দ্বীপ হতে—  
মিশর, সুদান, চীন, পারস্য, জাপান,  
তুর্কী, রুশ, ফ্রান্স, গ্রীস হতে' কত পথে  
এসেছে, চড়িয়া তারা কত মত যান !

কেহ আঁকিয়াছে বৃকে—নব সূর্য্যোদয়,  
শান্তি দেবী—কারো বৃকে—তুষার পর্ব্বত,  
হংস, জেব্রা, বরুণ, শকুনি, মর্পচয়,  
কারো বৃকে রাজা, কারো মানব মহত ;—

যুগ্ম হস্তী, যুগ্ম সিংহ, ডাগন ভীষণ,  
দীপ্ত সূর্য্য, সূর্য্যমুখী, ফিনিক্স, নিশান,  
ময়ূর, হরিণ, কপি, বাষ্প জলযান,  
দেবদূত, অর্দ্ধচন্দ্র, মৃকুট, বিষাগ ।

কেহ আনিয়াছে বহি' পিরামিড-কণা ।  
কেহ বা এসেছে মাখি' পার্গিনিন-পুলি ।  
নায়েগ্রা-গর্জ্জন বিনা কিছু জানিত না,—  
এমন ইহার মধ্যে আছে কতগুলি ।

কেহ বা এনেছে কারো কুশল সংবাদ—  
মাখি' মুখামৃত, বহি' সাগ্রহ চুম্বন !  
কেহ বা পেতেছে নব বাণিজ্যের ফাঁদ ;  
কেহ অনাদৃত, কারো আদৃত জীবন !

সকল গুলিই আমি ভালবাসি, ভাই,  
সমগ্রা ধরার স্পর্শ পাই এক ঠাই ।



## উল্কা

তিমিরের মসীলেপ নিমেষে ঘুচায়ে  
বিশ্বচিত্রপট হ'তে,—পরিষ্কৃত করি'  
প্রত্যেক পল্লবে, শাখে, ভূণে, জলাশয়ে,  
দেউলে, প্রাসাদে, পথে,—ফুটাইয়া, মরি,

ভুজপাশে বন্ধ সহচরে,— চকিতের মত,  
জ্যোৎস্না-খণ্ড-রূপে হায়, চকিতে আবার  
কোথায় ডুবিলে উল্কা ? তারা লক্ষ শত  
গুদিল নয়ন, হেরি এ দশা তোমার ।

কোথা ছিলে ? কোথা এবে চলিয়াছ, হায়  
স্বর্ষ্যতেজে পুড়িতে কি পড়িতে ভূমিতে ?  
অথবা, অনন্ত কাল অভিশপ্ত প্রায়—  
অনন্ত অতলে শুধু রহিবে নামিতে ?

ছিলে কি জীবের ধাত্রী পৃথিবীর মত ?  
কিন্ধা চিরবক্ষ্যা, শুধু, ধ্বংস তোর ব্রত !



## স্বর্ণ-গোধা

স্বর্ণ জিনি বর্ণ তোর, নয়ন-রঞ্জন,  
স্বর্ণ-গোধা ! ভ্রম হয় স্বর্ণ ময় ব'লে,—  
তনু তোর । স্বর্ণ্য কিন্তু তোর পরশন ;  
নাহি জানি কালকেতু ভুলিল কি ছলে ।

সেকি তোরে ভেবেছিল খণ্ড স্রবর্ণের ?  
দুরাশ্রিত তাই বুঝি গেছিল কুড়াতে ?  
শেষে নিজ ভ্রান্তি বুঝে—মশ্মরে পণের—  
তীরে বি'ধে এনেছিল অনলে পোড়াতে ।

শির ভুমি থাক যবে, উজ্জ্বল বরণ !  
শ্রীতি লভে বিমুক্ত নয়ন ; কিন্তু হায়  
অঙ্গভঙ্গী আরম্ভিলে—আপন নয়ন  
ঘৃণা ভরে মুদে যায়, ফিরে নাহি চায় ।

জড়মতি রূপসীর অপরূপ হাসি,—  
মন হ'তে যেমন মমতা দেয় নাশি ।

## প্রবাল-দ্বীপ

তিমিরে, তিমির অস্থি যেথা হয় শিলা,  
ছিদ্রময় স্পঞ্জ-পুষ্প যেথায় বিকাশ,  
সেই সাগরের তলে, স্রথে করে বাস—  
প্রবাল-দম্পতী এক ;—নিত্য নব লীলা ।

দিনে দিনে প্রবালের বাড়ে পরিবার,  
কত জীয়ে, কত মরে—রাখিয়া কঙ্কাল,  
পঞ্জরের বাড়ে স্তূপ, যত যায় কাল ;  
অজ্ঞাতে পূরণ করে ইচ্ছা বিধাতার ।

স্তূপাকৃত যুগান্তের প্রবাল-পঞ্জর—  
কোটি কোটি প্রাণ-পাতে হ'য়ে সংগঠিত,  
কোটি হৃদয়ের রক্তে হ'য়ে সুরঞ্জিত,—  
একদিন তুলে শির সিংহর উপর ।

পলি পড়ে, শব্দ চরে, জাগে নব দ্বীপ,  
ধৈর্য্যশীল প্রবালের যশের প্রদীপ !

## আগ্নেয় দ্বীপ

পার্শ্বে তা'রি,—সাগরের গূঢ় তলভূমে,  
আচম্বিতে সমুখিত মহামন্দরব,  
আচম্বিতে মাটি ফাটি', পর্বত ভৈরব  
তুলে শির ; স্তব্ধ উন্মি ভয়ে তা'রে নমে ।

আগ্নেয় উৎপাতে ত্রস্ত জল-জন্তু-দল,—  
কালক্রমে পুনঃ যবে হইল নির্ভয়,—  
খামিল কম্পন, দূরে গেল তাপচয়,  
দেশান্তের পান্থ পাখী করি' কোলাহল—

উড়ে গেল ;—পড়ে গেল চঞ্চু হ'তে তা'র  
বিস্ময়ে—শস্ত্রের শীঘ্র অভিনব দ্বীপে ;  
শ্রামল হ'ল সে কালে জীবের আগার,  
দাঁড়াইল মৌন মুখে বিধাতা সমীপে ।

একে ধৈর্য্য অলৌকিক ! অন্তে তেজোবল !  
তপস্তার প্রতিভার—পরিপূর্ণ ফল ।

## মূল ও ফুল

ফুল—শুধু দেখাইতে চায়  
আপনারে রৌদ্রে জোছনায় ;  
সমীরে করিতে চায় খেলা,  
সারা বেলা রঙ্গ করে মেলা ।  
অলি বলে দাঁড়া' ওলো যুঁই ।  
“এই ছুঁই—এই তোরে ছুঁই ।”  
ফুল বলে “ভুলেছি হাওয়ায়—  
আয় অলি এই বারে আয় ।”  
পাতা পরে মাথা যায় ঠুকে  
অলি সে পলায় অধোমুখে ।

মূল—শুধু লুকাইতে চায়  
অন্ধকারে মাটির তলায় ;  
খেলাধুলা গিয়েছে সে ভুলে,  
কখন বা দেখে মাথা ভুলে ?  
কাজ—কাজ—জানে শুধু কাজ,  
কাল যথা তেমনি সে আজ ।  
মাটি হ'তে শোষে শুধু রস,—  
পাতা ফুল রাখে সে সরস,  
কাজ সদা—নাহিক কামাই,  
ফুলদল—বেঁচে আছে তাই ।

ফুল সে রাজার মত থাকে,  
মূল সে চাষীর মত পাকৈ !  
মাঝে, শাখা পাতার সমাজ,—  
গন্ধ, রস, ভুঞ্জে তিন সারি ।

ফুলহীন মূল কত আছে,  
মূলহীন ফুল কই বাঁচে ?  
ফুল ঝরে—ফুটে পুনরায়,  
মূল গেলে সকলি ফুরায় ।  
ফুল তবু উঁচুতেই থাকে !  
মূল সে চাষার মত পাঁকে

## ঝড় ও চারাগাছ

ঝড় বলে “উড়ে গেল বড় বড় গাছ,—  
এখনো আছিঁস্ ? আয়, উপাড়িব তোরে ।”  
“গাফ্, গাফ্” বলে চারা “না-না থাক্ আজ,”  
না শুনিয়া কথা, তারে ঝড় ধরে জোরে ।

পাড়ে ভূমি’ পরে আহা ; একি অকস্মাৎ  
উঠে চারা, গল্প সম আশ্ফালি’ পল্লব,—  
রক্তবীজ যুঝে যেন আপনি সাক্ষাৎ,—  
নুয়ে পড়ে ভূঁয়ে, তবু, যুঝে অসম্ভব ।

হর্ষে রবি ঢালে শিরে সোনার কিরণ,  
শ্রান্তি বিদূরিতে মেঘ হর্ষে ঢালে জল,  
বৃষ্টি জলে রৌদ্রে মিলে—হীরকে হিরণ,  
ঝলঝল তিন লোক, হাসে পরীদল ।

লজ্জায়, পলায় রড়ে, ঝড় দেশ ছেড়ে,  
ত্রিলোকের আশীর্ব্বাদে চারা উঠে বেড়ে ।

## জীবন-বন্যা

তিমির মগন                      গগন খিঁরিয়া  
একি নব উচ্ছ্বাস !  
স্পন্দিত করি'                      লক্ষ তারকা  
জাগিছে রশ্মি-ভাস্ ।  
বঙ্গসাগরে                      করি' আজি স্নান  
গাহিছে সমীর                      প্রভাতেরই গান,  
জুড়ায় নয়ান,                      জুড়ায় পরাণ,  
হাসরে জগৎ হাস্ ।  
ছুটিছে তন্দ্রা,                      ছুটিছে স্বপন,  
ওই শোন শোন                      কল আলাপন,  
উঠিবে অচিরে                      উজল তপন,  
নাহিরে নাহি তরাস ।  
ঈকি দিয়ে হাসে                      ত্রিদিব-কন্যা,  
বাঁধ ভেঙে আসে                      কিরণ-বন্যা,  
স্রোতে ফুল পারা                      ভাসে ডুবে তারা,  
নয়ন মেলে আকাশ ।  
যুগ যুগ ধরি'                      তামসীর মাঝে—  
নিষ্ফল অঁাখি                      মেলিয়াছিল যে,  
নিশা শেষে দিশা                      লভিল, সে আজ  
লভি' নব আশ্বাস ।  
নাহি ভয় আর                      নাহি শোক চিতে,  
নিদ্রার শেষে                      নব শক্তিতে—  
মানবের হাটে                      ছুটেছে বাঙালী  
ধরি' নব অভিলাষ ।

[illegible]



কোথা ডাকে দোয়েল শ্যামা—

ফিঙে গাছে গাছে নাচে ?

কোথায় জলে মরাল চলে—

মরালী তার পাছে পাছে ?

বাবুই কোথা বাসা বোনে—

চাতক বারি যাচে রে ?

সে আমাদের বাংলাদেশ,

আমাদেরি বাংলা রে !

কোন ভাষা মরমে পশি—

আকুল করি' তোলে প্রাণ ?

কোথায় গেলে শুনতে পা'ব—

বাউল হুরে মধুর গান ?

চণ্ডীদাসের—রামপ্রসাদের—

কণ্ঠ কোথায় বাজে রে ?

সে আমাদের বাংলাদেশ,

আমাদেরি বাংলা রে !

কোন দেশের ছুন্দশায় মোরা—

সবার অধিক পাইরে ছুথ ?

কোন দেশের গৌরবের কথায়—

বেড়ে উঠে মোদের বুক ?

মোদের পিতৃপিতামহের—

চরণ-ধূলি কোথা রে ?

সে আমাদের বাংলাদেশ,

আমাদেরি বাংলা রে !



## সন্ধিক্ষণ

এতদিনে । এতদিনে বুঝেছে বাঙালী  
দেহে তার আজো আছে প্রাণ !  
এ জগতে যোগ্য যাঁরা তাঁহাদেরি মাঝে  
আমরাও ক'রে নেব স্থান ।

যে খুসী টিট্কারী দিক  
অন্তরে বুঝেছি ঠিক—  
এ কেবল নহেক ছজুগ ;  
সন্ধিক্ষণ আজি বসে, এল নবযুগ !

পথে ঘাটে দেখ চেয়ে অন্তরে বাহিরে  
দেশহিতে বিলাস বর্জজন,  
বিরাট সহস্র নীৰ্ব উঠেছে জাগিয়া  
লক্ষ মুখে এক দৃঢ় পণ ।

যেথা যে বাঙ্গালী আছে,  
প্রাণে প্রাণে মিলিয়াছে,  
শুভ লগ্ন পেয়েছে বাঙ্গালী,  
মনে হয় আর মোরা রবনা কাঙালী ।  
এ বড় আশার দিন—পণ্য স্বদেশের  
সবে তুলে লয়েছে মাথায় ;  
এবার পরীক্ষা হ'বে প্রতিজ্ঞার বল,  
ভগবান্ হউন সহায় ।

ভুলেছিলুম মনুষ্যত্ব  
বিলাস ব্যসনে মত্ত,  
ভুলেছিলুম পৌরুষের স্বাদ,—  
কে জাগালে সে পৌরুষ ?—সিংহের আহ্বাদ !

এ বড় সংকট কাল—পণের রক্ষণ,—  
 আমাদের ভ্রম পদে পদে,  
 সতর্ক জাগ্রত যেন রহি সর্বক্ষণ  
 নাহি ডুবি কলঙ্কের হ্রদে ।  
 স্মরি স্বদেশের দুখ—  
 মাতা-পত্নী-কন্যা-মুখ—  
 নিত্য প্রাতে উচ্চারিব পণ—  
 “বাঁচাব দেশের শিল্প—দেশের জীবন ।”

দরিদ্র দেশের কোলে দরিদ্রের বেশ  
 আমাদের সাজিবে সুন্দর,  
 ‘খাটা দেহে খাটো ধৃতি’—লজ্জা কিবা তায়  
 শ্রমের সৌন্দর্য্য মহত্তর ।  
 শক্তিমান দেহমন,  
 ভীষ্মের মতন পণ,  
 তার চেয়ে কি আছে শোভন ?  
 জুড়ায় পরাণ মন কি ছার নয়ন ?

ভগবান ! হীনবলে তুমিই দিয়েছ  
 এ অপূর্ব নূতন জীবন ।  
 নইয়া অভয় নাম প্রতিজ্ঞা করেছি ;  
 শক্তি দাও রাখিব সে পণ ।  
 নব শ্রোত, বঙ্গভূমে,  
 তোমার নিদেশে নেমে,  
 সর্বপ্রাণ করেছে সজীব ;  
 হে বরদ ! শুভঙ্কর ! হে সুন্দর ! শিব !

তুমি দাও বঝাইয়া নিন্দুকে, কুটিলে,—  
 ‘বাঙালিও জন্মেছে মানব,  
 কার’ চেয়ে তুচ্ছ নয় বাঙালির দাবী  
 রূথা সে করেনা কলরব ;  
 মঙ্গল বিধান যত,  
 স্বদেশের সেবা-ব্রত,  
 আজ সে মাথায় নেবে তুলে ;  
 মুঢ় সে—যে দাঁড়াইবে তার প্রতিকূলে !’

‘উন্মুক্ত সবারি তরে নিখিল সংসারে  
 মনুষ্যত্ব-মহত্বের পথ,—  
 চিরধন্য সে পথে কণ্টক দিতে পারে,—  
 এমন জন্মেনা দাসত্বত :  
 চুক্তির বেতন পাও,—  
 সর্বমত কাজ দাও :  
 যে প্রভু অধিক করে আশা  
 ব’ল’ তারে—কর্মচারী নহে ক্রীতদাস ।’

‘অর্থের সম্বন্ধ হ’তে কত উচ্চতর  
 মনুষ্যত্ব—দেশহিত-ব্রত :  
 স্বার্থ সাথে স্বদেশের বিরোধ যেথায়  
 স্বদেশেরি পায়ে হব নত ।  
 এ কথা না ভুলে রই—  
 ‘আমি শুধু তুমি নই—  
 দেশের মাঝারে একজন ;  
 দেশের—দেশের শুভে কল্যাণ আপন ।’

এমনো পণ্ডিত-মূৰ্খ জন্মেছে এ দেশে,—

শুনিবারে সাহেবের মুখে

নিজের বুদ্ধির কথা ; স্বদেশে বিদেশে

“পণ পণ্ড” বলে স্ফীত বুক ;

নিজমুখে মাখি কালি,

লভে শূন্য করতালি,—

কালি দিয়া দেশের গৌরবে !

হা বঙ্গ ! দিয়েছ শূন্য ইহাদেবো সবে ।

শুনি’ পণপত্রে কত রাজভূত্য, হায়,

সহি করে অস্পষ্ট অক্ষরে !

কি লক্ষ্য ! এতই ভয় চাকুরির তরে ?—

কি লভিবে দাস্য রুত্তি ক’রে ?

বাণিজ্যে বসেন রমা,

কৃষি প্রায় তারি সমা,

তুই পন্থা উন্মুক্ত তোমার ।

তবু বিধা-কৃত-মন ? জঘন্য আচার !

স্বার্থাক্ষ স্বদেশদ্রোহী জান নাকি হায়—

জান নাকি আত্মদ্রোহী তুমি ;

পুত্র পৌত্র অনাভাবে মরিবে ; এখনো

প্রসারিয়া লও কৰ্মভূমি ।

কারে কর পরিহাস ?

নিজ স্ত্রীর লজ্জাবাস—

তাও নহে আয়ত্ত-অধীন !

সত্য তুমি অতি দীন—অতি দীন হীন ।

আজি যারা অনাগত—ভবিষ্য যাদের  
 কি মান তাদের কাছে পাবে ?  
 কোন্ স্বত্ব কোন্ বিত্ত — স্ববৃত্তি ব্যতীত—  
 তাহাদের তরে রেখে যাবে ?  
 কোন্ কৰ্ম্ম, কোন্ নীতি,  
 কোন্ মহত্বের স্মৃতি,—  
 তাহাদের হবে মূলধন ?  
 স্মরিয়া তাদের কথা—দৃঢ় কর পণ ।

পাঠশালে ছাত্র করে বিদেশী-বর্জ্জন,  
 চমৎকার । দৃশ্য চমৎকার ।  
 বিলাস-বর্জ্জনে হের তরুণী ছাত্রীরা  
 অগ্রগামী আজি সবাকার ।  
 বল' রাজপুতানারে,—  
 বেণী বিসজ্জিতে পারে  
 বঙ্গনারী তাঁদেরি মতন।  
 অন্তরে সে বীরাজনা, শৌর্য্যে ভরা গন

শিক্ষক শিখান আজি বালকে যুবকে  
 হইবারে দেশের সেবক ;  
 যত ধনী মহাজন পণ-বন্ধ সবে,  
 উদ্ধ শিখা উৎসাহ পাবক ।  
 মহাপ্রাণ, সমুদার,  
 কত প্রাণ্য জমীদার  
 লয়েছেন দেশহিত-ব্রত ;  
 মুক্তকোষ সবে, প্রাচ্য রাজাদেরি মত ।

আর আজি ধন্য তুমি দরিদ্র বাঙালি,—

দিয়েছ সংশয় বিসর্জন

যেন মস্তবলে তুমি মুক্তহস্ত এবে,

কোথা পেলে এত বড় মন !

পরম্পরে এ প্রত্যয়—

নত্নে আসিবার নয় ;

এ রত্ন দেছেন ভগবান !

অন্তরে সঞ্চিত করি' রাখ দৈবদান ।

বৎসরান্তে ভাদ্রশেষে শুধু একবার

কূল প্লাবি' আসে যে জোয়ার,

তাহার তুলনা নাই ; সমস্ত বৎসরে

সে জোয়ার আসে একবার ।

সে জোয়ার এসেছে রে

আমাদের ঘরে ঘরে,

এসেছে রে নূতন জীবন ।

বাঙালি পেয়েছে আজ সাগর্য্য নূতন ।

কণা কণা স্বর্ণ ছিল মুক্তিকার মাঝে,

ধূলি পায়া ধূলি মাঝে হারা ;

আজি কোন অনির্দিষ্ট ভূগর্ভের তাপে

গ'লে মিলে হ'ল স্বর্ণধারা ।

হার গড়ি সে কাঞ্চে,

এস সবে, সম্বতনে—

পরাইব দেশের গলায় ;

জননী ! জনমভূমি ! সাজাব তোমায়



বাহিরের ঝড় এসে ভাঙে যদি ঘর—  
 কোথা থাকে পুত্র পরিবার ?  
 অন্তরে প্রবল হাওয়া উঠিয়াছে যদি  
 নত হও সম্মুখে তাহার ।  
 স্বদেশ, তোমার পানে—  
 দেখগো উদ্বিগ্ন প্রাণে  
 কাতর নয়নে চেয়ে আছে ।  
 আশা করে মাতৃভূমি প্রত্যেকেরি কাছে ।

পবিত্র কর্তব্য-ভ্রত লয়েছি মস্তকে,  
 মরেও রাখিতে হবে পণ !  
 রাজ্যপণে পাশা খেলি', পণরক্ষা হেতু  
 বনে গেছে হিন্দু রাজগণ ।  
 বিদেশের মুখ চেয়ে,  
 শতেক লাঞ্ছনা ময়ে,  
 সংজ্ঞা যদি এসেছে আবার,—  
 প্রতিজ্ঞা স্মরিয়া, নীচ লও কার্যভার ।

এদিন অলসে গেলে, কি ক্ষতি যে হবে—  
 দেখ বুঝে অন্তরে সে কথা ;—  
 আশা ভঙ্গ, মনঃক্ষোভ, শক্তি অপচয়,  
 শত দিকে পাবে শত ব্যথা ; —  
 শত্রু সে পাড়িবে গালি,  
 ছ'গালে পড়িবে কালি,—  
 আমল পাবেনা কারো ঠায়ে  
 আবার সহস্র বর্ষ পড়িবে পিছায়ে ।

জাতিত্ব গৌরব যাবে অন্ধুরে মরিয়া,  
 ঝরিবে রে আধ-ফোটা ফুল ;  
 ভগবান ! রক্ষা কর—শক্তি কর দান,  
 প্রভু ! মোরা হয়েছি ব্যাকুল !  
 দুর্বলের বল তুমি !  
 দীনের শরণ-ভূমি !  
 আশ্রয় লইনু তব পায়,  
 লজ্জা-নিবারণ সখা ! হও হে সহায় !  
 কে আছে হে ধনবান আন' স্বর্ণ-ধন,  
 কায়ক্লেশ আন' শ্রমী যেবা,  
 শিল্পী আন' নিপুণতা, উগোগী উগম,  
 সবে মিলি কর মাতৃ-সেবা ।  
 পরিশ্রমে নাহি লাজ  
 আপনি চাষীর কাজ,—  
 করিতেন রাজা মিথিলায় ।  
 মন্ত্রদ্রষ্টা ভ্রষ্টা ধাঘি আদি সূত্রধার !  
 সবিশ রাখাল-বেশ সকলি ভুলিয়া,  
 দন্য হও স্বদেশের কাজে ;  
 প্রতিজ্ঞা রাখিয়া স্থির স্থাপুর মতন  
 মান্য হও জগতের মাঝে ।  
 আত্মতেজে করি' ভর—  
 কন্মে হও অগ্রসর ।  
 মূর্খে শুধু বলে এ 'হুজুগ' ;  
 বঙ্গ-ইতিহাসে হের এল স্বর্ণ-যুগ ।



## হেমচন্দ্র

বঙ্গের দুঃখের কথা, সদা করি গান,  
দুঃখের জীবন তব হ'ল অবসান,—  
হে কবীন্দ্র ! হেমচন্দ্র ! চলে তুমি গেলে,—  
সে কি গাহিবারে গান দেবসভাতলে ?  
বাসবের সভাতলে কি গাহি'ছ গান ?—  
ভারত-ভিক্ষার কথা ? কিন্না ভিন্নতান,—  
গাহি'ছ,—কেমনে বাস করিল পাতালে  
দুর্ভাগ্য বৃত্তের ত্রাসে, বাসব সদলে,  
পরাজিত অধোমুখ ; বর্ণিতে তাদের—  
গাহিতে গাহিতে হায়—চাহিছ কি ফের  
অতি নিম্নে—পরাজিত ভারতের পানে ?  
—তোমার সে মাতৃভূমি—সুধা ঘা'র স্তনে,—  
তা'র কথা স্মরি' কি ঝরি'ছে অঁখি-জল ?  
জিজ্ঞাসে কি অশ্রুর কারণ দেবদল ?  
কি বলিবে, হায় কবি, কি দিবে উত্তর ?  
অস্তুর্য্যামী জানিছেন তোমার অন্তর ।

## দুর্যোগ

কি যেন মলিন ধূমে,                      কি যেন অলস ঘূমে,  
আকাশ রয়েছে ঢাকা সব একাকার ;  
ছায়া-স্নান তরু-শির,                      প্রাবিত তটিনী-তীর,  
বিরাম বিশ্রাম আর নাহি বরষার !

উষার কনক হাসি,                      আর না জাগায় আসি'  
হৃদয়ে উদ্দাম আশা, আনন্দ অপার ;  
এখন নিশির শেষে,                      রক্ত বালিকার বেশে—  
জীবন জাগায় এসে মরণ সাকার ।

গাপহীন, দাপ্তহীন,                      এমনি চলেছে দিন ;—  
বঙ্গের এ দুর্যোগের নাহি বুঝি শেষ ।  
এ জল ফুরাবে না রে,                      এ অগ্নি শুখাবে না রে ;  
ঘুচিবে না বুঝি আর এ মলিন বেশ ।

কত দিন আলো নাই,                      ভুলে যেন গেছি তাই,  
কে বলিবে ছিল কি না ? ... মূকের স্বপন ;  
কবে নাকি, স্বর্ণ ছবি,                      পূরবে গৌরব রবি  
উঠেছিল একবার, হয়গো স্বরণ ।

কিরণ পরশে তার                      দেশে এল হর্ষভার,  
সে দিন প্রথম, বুঝি, সেই দিনই শেষ ;  
এসেছিল পথ ভুলে                      তাই ত্বর গেল চলে,  
প্রভাত সে না পোহাতে শূন্য হ'ল দেশ !

প্রিয়জন উপহার—

শুকাইলে ফুলহার,—

তবু কি ফেলিতে তা'রে পারে কোনো জন ?

গেছে বর্ণ, গন্ধ যত,

কর্কশ কাঁটার মত,—

তবু সে যে প্রিয়-স্মৃতি, যতনের ধন ।

তাই—পূর্ণ অনুরাগে ;

আজিও হৃদয়ে জাগে

সে কাহিনী, মেঘে যেন ক্ষণপ্রভা খেলে ;

জানি সে বিফল, হায়,

নাহি প্রাণ শূন্য কায়,

আগুনের গুণ কি গো ভস্মে কভু মেলে ?

এল গেল নিশি দিন,

মলিন, লাবণ্যহীন,

এ বরষা ফুরা'লনা, শুকা'লনা জল ;

আকাশ, পৃথিবী নাই,

দাঁড়াবার নাহি ঠাই,

প্লাবনে হয়েছে এক অকূল অতল !

আমরা ডুবিয়া আছি,

মরেছি কি বেঁচে আছি

জানি না, প্রকৃতি মাগো, ডেকে নে জুড়াই ;

দক্ষিণ দুয়ার খুলে

ডুবাও গো সিন্ধুজলে,

হয়েছি পরের বোঝা—ঘরের বালাই ।

সেথা নাহি ভেদাভেদ,

নাহি মা মনের ক্রন্দ,

ঢেকে দে বজ্রের মুখ, বেঁচে কাজ নাই ;

অবাধ অনন্ত জল,

নাহি তীর, নাহি তল,

মুক্ত পথে ছুটে যা'ব,—দে না মাগো তাই ।

তা' যদি দিবি না, তবে,                      দেখাসনি ও বিচবে,—  
 শরতের শুভ্র হাসি, বসন্ত-বিলাস ;  
 যাহারে সাজে, মা, হাসি,              তাহারে দেখাস আসি—  
 বিচিত্র বরণে অঁকা তোর 'বার মাস' ।

যা'রা জগতের কাছে                      নতশির হ'য়ে আছে,  
 জগতের কোনো কাজে নাহি যা'র যোগ ;  
 হৃদয়ে নাহিক বল,                      জীবনে তা'র কি ফল ?—  
 আলোকে পুলকে তা'র শুধু কর্মভোগ ।

দিস না, মা, নাহি চাই,                      আমাদের কাজ নাই—  
 হৃদয়-মাতান' তোর নব রবিকর ;  
 থাক এই অন্ধকার,                      মলিনতা বরষার,  
 ক্ষুদ্র মোরা, তুচ্ছ মোরা, জগতের পর ।

বরষার নিবিড়তা                      দিক্ প্রাণে আকুলতা,  
 আপনা চিনিব তবু, আপনা চাহিয়া ;  
 সৌন্দর্য্য নিবিয়া যাক্,                      ধরণী ডুবিয়া থাক্,  
 আপন দারিদ্র্য শুধু উঠুক ফুটিয়া ।

অন্তহীন অবসাদ,                      দিক্ প্রাণে নব সাধ,—  
 যেতে জগতের কাজে উৎসাহ দ্বিগুণ ;  
 আয় বরষার ধারা,                      আয় গো অঁধারি' ধরা,  
 কালিমা ঢেলে দে, হৃদে ছেলে দে আগুন !

আশ্বিন ১৩০৭ সাল ।

## বঙ্গজননী

কে মা তুই বাঘের পিঠে বসে আছিস্ বিরস মুখে ?  
শিরে তোর নাগের ছাতা, কমল-মালা ঘুমায় বুকে ।  
ঢল ঢল্ নয়নযুগল জল ভরে পড়্ছে ঢুলে,  
কাল মেঘ মিলিয়ে গেল তোর ওই নিবিড় কাল ঢুলে,  
শিথিল মূৰ্চি,—ত্রিশূল কেন ধরায় ধূলা আছে চুমি' ?  
কে মা তুই কে মা শ্যামা—তুই কি মোদের বঙ্গভূমি ?

মা তোর ক্ষেতের ধান্যরাশি জাহাজ ভ'রে যায় বিদেশে,  
অন্ন-সুখা বঙ্গে ফেরে গরল হ'য়ে সর্বনেশে !  
বনের কাপাস বনে মিলায়, আমরা দেখি চেয়ে, চেয়ে,  
'অন্নবসন বিহনে হায়, মরে তোমার ছেলে মেয়ে ।  
বল্ মা শ্যামা, সুধাই তোরে, মোদের এ যম ভাঙ্বে নাকি ?  
পন্থ হ'তে পারবো না মা তোমার মূখের হাসি দেখি ?

ত্রিশূল তুলে নে মা আবার রূপের জ্যোতি পরকাশি,  
ভয় ভাবনা ভাসিয়ে দিয়ে হাস আবার তেমনি হাসি !  
চরণতলে সপ্ত কোটি সন্তানে তোর মাগেরে—  
বাঘেরে তোর জাগিয়ে দে গো, রাগিয়ে দে তোর নাগে রে ;  
সোনার কাঠি, রূপার কাঠি,—ছুঁইয়ে আবার দাও গো তুমি,  
গৌরবিনী মূর্তি ধর—শ্যামাঙ্গিনী—বঙ্গভূমি ।

## ‘স্বর্গাদপি গরীয়সী’

বঙ্গভূমি ! কেন মাগো হইলে উর্বরা ?  
তাই, মা, নয়ন-বারি ফুরা’ল না তোরা ;  
স্বর্গ হ’তে গরীয়সী জন্মভূমি মোর,  
এ স্বর্গে দেবতা কই ? দেখা’য়ে দে ভরা ।

বল মোরে, কোন হেতু, স্তম্ভ আজি তারা ?  
অথবা, মগন কোনো তপস্শায় ঘোর ?  
কবে ধ্যান ভাঙিবে গো,—নিশি হ’বে ভোর ?  
কবে, মা, ঘুচিবে তোরা নয়নের দারা ?

অস্তরে ঘিরেছে, হায়, কল্ল-তরুবরে,  
দেবতার কামদেনু দানবে ছুটি’ছে ।  
আজি হ’তে অনেনি’ ফিরিব নরে, নরে,  
কোথা ইন্দ্র ?—ব’লে দেগো, কানিস্নেহে মিছে ।

সে যে তোরে অস্থি দিয়ে গ’ড়ে দিবে অসি ;  
অয়ি বঙ্গ ! অয়ি স্বর্গ ! অয়ি গরীয়সী !

আম্বাচ ১৩০০ সাল ।

## আশার কথা

জননী গো—আজি ফিরে,—

জাগিতেছে তব

ਸਭਾਨ ਸਬ

গঙ্গার উভতীরে !

বাড়িতেছে তব কুটীরে,

ললিত বক্ষ-রুধিরে,

সন্তান কোটি কোটি গো,

দূত উন্নত শিরে !

আর নহে কেহ অসুখী,

## অননীর ভার

শিরে আপনার

তুলে নেছে নব-বাস্তুকি,—

শত সহস্র শিরে ।

উজ্জ্বল হাসি আননে,

ফেরা বাজিতেছে

সিঁফুর তীরে,

কক'রী বাজে কাননে ;

নব সঙ্গীত গাহিছে,

নূতন তরঙ্গী বাহিছে,

পরমাণু নূতন চাহিছে,—

বিশ্ব-বিহারী নৃতনে !

দখিণে গেছে অগস্ত্য,

পশ্চিমে গেছে

ভার্গব, যেথা

স্বর্ঘ্য না জানে অন্ত !



বে নু ও বো না

গেছে রঘু প্রাগ্‌জ্যোতিষে,  
বিশ্ব ছেয়েছে দলে, দলে, দলে,—  
ভিক্ষু, শ্রমণ, বোধীশে ;—  
দীপ্তি বহি' তিমিরে !

ধনপতি সে শ্রীমন্ত,—  
সিংহল-জয়ী বিজয় সিংহ,—  
কীর্ত্তি-কথা অনন্ত !  
জ্ঞানে, বিজ্ঞানে সিক্ত,  
বীৰ্য্যে—উদার, শিথ,  
আচারে জগৎ মুগ্ধ,  
সেবায় নহেক' ক্লান্ত ;—  
হেন সন্তান, আজ,  
আইল কি পুনঃ আলয়ে তোমার,—  
ঘুচাইতে দুখ, লাজ ?  
তোমারি মদ্র-ভাষা গো,—  
পূত, গুলনিত, সঙ্গীত জিনি'  
অন্তর-পরকাশা গো ;—  
জাগিছে আজি সে ফিরে ।

সপ্ত সাগর তীরে,—  
তোমার সপ্ত কোটি সন্তান  
শত কোটি হ'বে ধীরে !  
( মোরা ) নৌকা ভরেছি পণ্যে,  
( তুমি ) আশিষ' দুর্ব্বা-ধান্তে,



জননী ! তোমারি পুণ্য—  
( মোরা ) সকলি পাইব ফিরে ।  
নৌকা—ছুটেছে অধীরে !

সাত ডিঙা ধন                      কোন্ প্রয়োজন ?  
ঘিরিয়া ফেলিব মহীরে ;  
অচিরে—কিন্মা ধীরে !

## দ্বিতীয় চন্দ্রমা

স্বপনে দেখিনু রাতে, হে ভারত-ভূমি,  
সাগর-বেষ্টিতা অগ্নি মর্ত্যের চন্দ্রমা  
কুহকৌ নিদ্রার বশে সংজ্ঞাহীন আমি,—  
শুনিনু মহিমা তব অগ্নি বিশ্বরমা ।

দেখিলাম, মহাকুম্ভ সাগরের তলে,  
বলিছেন মন্দ্রভাষে নাগদলে ডাকি',  
“খুলে দে বন্ধন যত, শিরে ধর তুলে,  
অপূর্ব এ ভূমি, আয় দেবলোকে রাখি !

পৃথিবীর গন্ধ নাই—নিষ্কাম ভারত ।  
ধর্মের ভবন চির ' দেবযোগ্য দেশ ।  
ধন্য-বিভা পৃথিবীরে দিয়েছ নিয়ত,  
এবে চন্দ্র সনে প্রভা বিতর অশেষ ।”

সহসা দেখিনু, মুক্ত কপোতের মত  
উঠিলে অশ্বরে, ভূমি, দ্বিতীয় চন্দ্রমা !  
চির জ্যোৎস্না হ'ল ধরা, চির আলোকিত  
অতন্দ্র যুগল-চন্দ্র—অপূর্ব সুষমা ।

ধর্মঘট

বাদল রায়

গরুর গাড়ীর গাড়োয়ান,

দেখ তেও ঠিক পালোয়ান ।

শান্তমুখা                      মেয়েটি আজ

ভয়ে ভয়ে নয়ন তুলে ।

ছেলে মেয়ের                                  কষ্টে সে যে

মোটাই ছিল নাক' স্নেহ,

স্পষ্ট সেটা                      লেখাই ছিল—

তার সে বিষয় কাল যুখে ;

তারই সঙ্গে                      লেখা ছিল

## হৃদয়ের বল বিলক্ষণ,

বিকট ঘৃণা,                      বিষম জ্বালা,

সবার উপর—অটল পণ !

ধনীর ধনের উপরে যে

পরিশ্রমের আছে মান,—

**যদিও এটা**

নয় সে তবু ক্ষুদ্রপ্রাণ ।

**বাদলরাম !    বাদলরাম !**

গরুর গাড়ীর গাড়েযান !

**বাদলরাম !                      বাদলরাম !**


দেখতে শুনতে পালোয়ান !

সূক্ষ্ম নহে                      বুদ্ধিটা তার,

କୃଷ୍ଣସ୍ବରୂପ ମିନିଟ ନୟ :

কিন্তু যে কাজ                      কর্বে স্বীকার,—

কৰেৰে সে তা' স্থনিশ্চয় ।



## পথে

আমার ধূলায়—এত ঘৃণা ;—

আর তুই ধূলামেখে,                      গাড়ী খান্ পথে দেখে,  
ধরিলি আমারে এসে কিনা !

আশ্রয় লইলি মোর কোলে,  
ওরে, তোর নাহি ভয়,                      ভয়ের এ ঠাই নয়,  
ধূলা দেছ,—মারিব তা' ব'লে ?

শোন ওরে পথের বালক,  
দূরে চলে গেছে গাড়ী,                      এই বেলা তাড়াতাড়ি  
বাড়ী না' রে, থাকিতে আলোক ।

চলে গেছে, যাক্—বাঁচা গেল ;  
আশ্রয় দিলাম ওরে,                      সে মোর ধূতির 'পরে—  
চিহ্ন এক রেখে গেল কাল ।

সত্য কথা বলিতে কি ভাই,  
ধূলা দেখে হ'ল রোষ ;                      কিন্তু তা'র—কিবা দোষ ?  
পথই তা'র খেলিবার ঠাই ।

দরিদ্রের শিশু সে যে হয়,  
কোথায় আঙিনা তা'র                      নাচিবার—খেলিবার ?  
পথে খেলে, ধূলা মাখি' গায় ।

বিশ্ব-গ্রাসী, ওগো, ধনিদল ।  
দরিদ্রের সকলি ত'—                      করিয়াছ কবলিত,  
পথ মাত্র আছিল সম্বল,—

ছেলেদের খেলিবার স্থান ;  
তা'ও সহিল না আর, তা'ও কর অধিকার ?  
গাড়ী, ঘোড়া, আনি নানা যান !

বিভীষিকা দেখায়ে এ সব—  
ইচ্ছা কি দরিদ্রদলে, পাঠাইতে রসাতলে ?—  
ধনহীন—নহে কি মানব ?

### অবগুণ্ঠিতা ভিখারিণী

ওরে বধূ, গ্রাম্য-পথ-শোভা,  
আজি কেন নগরীর মাঝে ?  
কুমকের গৃহলক্ষ্মী তুই, .  
বল আজি হেথা কোন কাজে ?  
তুই কি বিধবা নিরাশ্রয়া ?  
স্বামী'র স্মিরিতি, শিশুটির  
বাঁচাইতে, ত্যজি' লজ্জা ভয়  
এসেছিস গ্রামের বাহিরে ?  
অথবা এ কি রে অভাগিনী  
কলঙ্কের নিশানা তোমার ?  
—ভেবেছিলে বালাই যাহারে,  
সাস্তুনা সে আজি নিরাশার ।  
কেন বাছা এনেছিস শিশুরে ভিক্ষায় ?—  
কঁাদে ছেলে,—নিয়ে যা',—নিয়ে যা' ;  
জান না ?—ভিক্ষায় তুমি এনেছ যাহারে,  
পিতা তা'র নিখিলের রাজা !

## অন্ধ শিশু

শীর্ণ দেহ, শুষ্ক তা'র মুখ,  
দৃষ্টিহীন—শিশু এতটুকু ;  
জন্মেছে সে ভিখারীর ঘরে,  
জীবন বহিছে অনাদরে ।

পিতা মাতা কেহ নাই—কেহ নাই তা'র,  
সে এখন অপরের সহায় ভিক্ষার ।

অন্ধের দুখের নাহি শেষ,  
গ্রীষ্মে শীতে একই তা'র বেশ,—  
একই ভাবে সকাল বিকাল,  
পথে বসি' কাটায় সে কাল ;  
কেহ বা দলিয়া যায়,—কেহ বলে 'আহা',  
ব্যথিতের দুঃখ, হায়, কে বুঝিবে তাহা !

না জেনে সে বসিল ফিরিয়া,  
পথ পানে পিছন করিয়া ;—  
না জেনে প্রাচীর-পাদ-মূলে,  
হাতখানি পাতিল সে ভুলে !  
নিষ্ঠুর নগরী ওরে, বিক্রমের ছলে,  
মনে হয়, বিধি তোরে ভৎসিলা কৌশলে ।

## বিকলাষ্টী

নগরীর পথে, হায়,  
কৌতুকের স্রোতে,  
পাতিয়া বিশীর্ণ হাত—  
প্রাতঃকাল হ'তে,  
বসে' আছে পথে !

মুখে নাহি বাণী, গা'য়  
ছিন্ন বাস খানি,  
বয়স চৌদ্দের বেশী  
নহে অনুমানি,  
কুজা অভাগিনী ।

মুখ পানে তবু, কা'র  
চাহেনাক' কভু,  
যৌবন যদিও আজি  
দেহে তা'র প্রভু,—  
চাহেনাক' তবু !

সরম-সঙ্কোচে, তা'র  
সর্ব দোষ ঘোচে ;  
কুজারে ঘিরিয়া, ফুল—  
ফোটে গোছে গোছে !  
সরমে—সঙ্কোচে ।



## ‘কুছানাঙ্গি’

স্বাগত, স্বাগত, বারাজনা  
ভূমি কর ভাব-উপদেশ ;  
সোনা সে সকল ঠাই সোনা,  
যাই হ'ক পাত্র, কাল, দেশ ।

পৌড়া পেলে পথের কুকুর,  
হও ভূমি কাঁদিয়া বিব্রত :—  
ব্যথা তা'র করিবারে দূর,  
প্রাণ ঢেলে সেবিছ নিয়ত !

উঠিছে সে অসিয়া, অসিয়া,  
উজ্জ্বল উদগত নয়ন ;  
অসিয়া—অসিয়া পড়ে হিয়া—  
তোমারো যে তাহারি মতন ।

হাসে লোক কান্না তোর দেখে,  
ক্ষুধ-দৃষ্টি—উত্তর তাহার !  
এত দিন কিসে ছিল ঢেকে—  
এ হৃদয়—উৎস মমতার ?

দেখি' তোর ভাব আজিকার—  
অনন্দাক্রোশ এল চক্ষু ভরে,  
বুদ্ধ ভূমি—ঐক্য-অবতার,—  
দিনেকের—ক্ষণেকের তরে !



## বন্যায়

বন্যায় গিয়েছে দেশ ভেসে ।

বনস্পতি,—পাখীদলে,      নিশীথে, জাগায়ে বলে ;—

“প্রাণ বাঁচা’—পালা’ অন্য দেশে ।

রক্ষা নাই আমার এবার,

এবার আসিলে হানা,      আর আমি টিকিব না,

দেরি তোরা করিস্নে আর ।”

দেখিতে দেখিতে এল হানা,

বনস্পতি,—গঙ্গাজলে,      ছিন্ন মূল,—ভেসে চলে,

তবু তা’রে পাখীরা ছাড়ে না ।

“এখন’ যা” বলে বনস্পতি ;

পাখী বলে “পুণ্য ম’লে—      ভেসেছি গঙ্গার জলে” ;

স্বজনের এই ত’ পীরিতি ।

## দেবীর সিন্দূর

সারা রাত, আহতের মত,  
শোকাহত আচার্য্য ভাস্কর,—  
নিদ্রাগত—শয্যা বিলুপ্তিত,  
তবু ব্যথা জাগে নিরন্তর ।

অকস্মাৎ আসিল চेतন,  
বক্ষ হ'তে নামেনি বেদনা ;  
শ্বাস যেন পূর্বের মতন  
সহজে করে না আনাগোনা ।

“আজি দেশে দেবী-মহোৎসব,  
দরে ঘরে বাজ বাজে নানা ;  
মধবারা সাজিতেছে সব,  
বিধবা লীলার তাহে মানা ।

আছে লীলা বীজাক্ষ চর্চায়,  
মন যেন শান্তির নিবাস ;  
সে ধৈর্য্য জানিনা কেন, হায়,  
মোর মনে জাগায় তরাস ।

মূর্ত্তিমতী শান্তি, মা আমার,  
কোনো কথা নাহি তাঁর মুখে ;  
তবু, তাঁর মুখ-চাওয়া ভার,  
শেল সম বাজে মোর বুকে ।

বে ৭ ও বী ৭।

লীলাবতী—সম্ম্যাসিনী বেশে—  
করিতেছে দীর্ঘ উপবাস ;  
পিতা আমি, দেখিতেছি ব'সে,  
চোখের উপরে বারমাস !

ডাকি' লহ মোরে পথরাজ !  
ডাকি' লহ কন্যা পতিহীনা ;  
পিতা হ'য়ে করিতেছি আজ,  
সন্তানের মরণ কামনা !

আজি দেশে দেবী-মহোৎসব,—  
এ উৎসব সকল হিন্দুর ;  
সধবারা, চলিয়াছে সব,  
পরিবারে দেবীর সিন্দূর :—

ব্রাহ্মণী ! এদিকে এস, শোন,  
এখনি করিয়া দাও দূর—  
মুর্থ—যত দেবল ব্রাহ্মণ,  
পর' নাক' দেবীর সিন্দূর ।”

## শিশুর স্বপ্নাশ্রু

দোলায় শুয়ে ঘুমায় শিশু মায়ের কোলের মত,  
মায়ের নয়ন নিয়েছে আজ জাগরণের ব্রত !  
পল বিপলে, সকাল সাঁঝে, পাঁচটি মাসের স্নেহ,  
হৃদয়টি তা'র ছাপিয়ে দিয়ে ভাসিয়ে দেছে গেহ ।  
হায় কিশোরী ! নূতন খেলা—মানুষ-পুতুল নিয়ে,—  
প্রদীপ করে, পলক হারা, তাই কি আছিচ্ চেষ্টে ?  
ঘুমায় শিশু, পল্লী ঘুমায়, ঘুমে জগৎ ছায়,  
কাজল-কাল চোখের কোণে ঈষৎ হাসি ভায় !  
হঠাৎ, কেন চোখ দু'টি তা'র, ছলছলিয়ে আসে,  
ঘুমের ঘোরে, শিশুর চোখে, কোন্‌ দুখে জল ভাসে ?  
ঝিনুক বাতীর বনঝনা কি নিদ্রা-ঘোরে ও শোনে ?  
তাই কি কাপে ঠোট দু'টি তা'র—অশ্রু চোখের কোণে ?  
ভয় যে আজো শেখেনিক' মান অপমান নাই,—  
কি বেদনায়, ঘুমের ঘোরে, তা'র চোখে জল ভাই ?  
শিশুর স্বপন—তা'ও কি নহে স্নেহের ভগবান ?  
বিভীষিকার বিষম ছায়া তাতেও বিরাজমান ?

## অশ্রুব

খটের ধারে, বাতাসে ছল্‌ছল,  
দেখেছিলাম একটি ছোট ফুল ;—  
রবির আলোয় আহ্লাদে আকুল !

চটুল চোখে তারার মত চায় ;  
হাত-লোভানো মন-ভুলানো তা'র,  
খটের পাবে ছুটেছিলাম, হায় ।

কত চড়াই, কত না উত্‌রাই,  
তবুও তা'র নাগাল নাহি পাই,  
ছিন্ন আঙুল, আকুল চোখে চাই ;  
এই সে দেখি, যায় না দেখা আর,-  
ওই সে পুনঃ, এমনি বারে বার,  
এমনি ক'রে কাছে গেলাম তা'র ।

খাড়া পাহাড়,—ফাটলে তা'র ফুল,  
শিলার ফাঁকে বাধিয়ে দে' আঙুল,—  
বাড়াই বাহু—আবেগ সমাকুল ।

হঠাৎ—বায়ু বইল বুরুবুরু,  
হৃদয়তলে বিষম গুরুগুরু,  
নিখিল যেন ছল্‌ছে দুৰুদুরু ।

গাছ দেখিনে, শুধু গাছের মূল,—  
সাপের মত ঝুলিয়ে দে লাঙ্গল—  
গিরির গায়ে ঘুমেই ঢুলুঢুল ।

শুইয়া পড়ি—ঝুঁকিয়া পড়ি ধীরে,  
পাইনে নাগাল,—রক্ত নামে শিরে,  
নিম্নে তিমির, শিলায় দেহ চিরে ।  
এবার বুঝি ঠেকলরে আঙুল !  
হঠাৎ—একি !—প'ড়ল খ'সে ফুল,—  
খটের তলে, বাতাসে ছলছল !

## হৃদয়ে অতিথি

সে দিন হঠাৎ বর্ষা পেয়ে,  
কামিনী ফুল ফুটল বনে ;  
আমি তাহার একটি গুচ্ছ  
তুলে নিলাম পুলক মনে ।  
ঘরে এসেই দোয়াত হ'তে,  
ঝুঁকিয়ে, ফেলে দিলাম কালি,  
দোয়াতের সে ফুলদানীতে  
ফুলটি রেখে দেখছি খালি ;  
জোর বাতাসে, হঠাৎ, ঘরে  
ছুকল সে এক প্রজাপতি ;  
রইল রে সে সারাটি দিন,  
একলা ঘরের হ'য়ে সাথী ।  
অতিথি হ'ল আমার ঘরে,  
প্রজাপতি আপন হ'তেই ;  
ঝড় বাদলে, ছাড়তে তা'রে,  
পার্বনাত' কোন' মতেই ।

কবাট দিলাম বন্ধ ক'রে,  
জানলা দিয়ে দিলাম তাই ;  
সন্ধ্যা বেলায় প্রদীপ জ্বলে  
ভাবছি ব'সে কত কথাই ।

হঠাৎ, উড়ে, আলোয় প'ড়ে,  
প্রজাপতির জীবন গেল ;—  
হায়, অতিথি ! নয়ন-জলে,  
নয়ন আমার ভ'রে এল ।

হৃদিনের সেই অতিথিরে,  
হায়, হৃদিনের সুপ্রভাতে,—  
আমার স্নেহ—পাথর দিয়ে,  
পেলাম নারে আর পাঠা'তে ।

আবার আমি তেগ্নি ক'রে,  
অনল-দগ্ধ দেহটি তা'র,  
রেখে দিলাম ফুলের 'পরে ;  
এ'কে নিলাম বৃকে আমার !

শ্রাবণ ১৩০৪ সাল ।

## স্থলিত পল্লব

আহ্লাদে বনানী সাজে মুকুলে পল্লবে,  
বসন্তের সারঙ্গের রবে !

নিবিড় নীতল ছায়,  
রাখালেরা ঘুম যায়,  
পাখী গায় মৃদু কলরবে ;  
গাছে গাছে কিশলয়,  
নূতনের গাহে জয়,  
মৃত্যু জরা পাশরিয়া সবে ।

অকস্মাৎ ক্ষুণ্ণ করি' পল্লবের হৃদ,  
ক্ষুণ্ণ করি' বসন্ত-সম্পদ,—  
স্তব্ধ করি' কলরব,—  
পল্লবের জীর্ণ শব  
লভিলরে নির্বাণের পদ !  
কে জানিত শোভা মাঝে,  
মরণের পাংশু সাজে,  
একজন পার হয় মরণের নদ ?  
কাহারো হ'লনা, ক্ষতি, গেল সে লুকায়ে,  
নিভুতে রক্তটি শুধু উঠিল শুকায়ে !



## গোলাপ

পলে, পলে,—আলোকে, পুলকে,

ভরি' উঠে গোলাপ উষায় ;

স্মুরিত পাপ্‌ড়ি, দিকে, দিকে,

কচি ঠোটে কি বলিতে চায় ?

রৌদ্রের সাগ্রহ আলিঙ্গনে,—

বায়ুর চুম্বনে, উষঃ শ্বাসে,—

গন্ধ-ধারা সৃজিয়া কাননে,

কৌতুকী সে—হাসে, শুধু হাসে !

অলি আসে—মধু লয়ে যায়,

থাকে না সে কাজ সাজ হ'লে,

গোলাপ সে যু'খানি ফিরায়,

শ্রান্তিভরে রুন্তে পড়ে ঢ'লে ।

রক্তমুখী সন্ধ্যার গোলাপ,

ভাবে বুকি লাষণ্য বাড়িছে :—

বিষ ঢালে দিনান্তের তাপ,

আর জীবনের আশা মিছে ।

নিশি আসে, শিশির নিষেকে—

শক্তি আর ফিরে নাক' তা'র,

শেষ গন্ধ ক্ষরে থেকে থেকে,

শেষ মধু,—নাহি নাহি আর ।

তার পর নিশান্ত বাতাসে,

দলগুলি ঝরি' পড়ে, হায়,

আলোকের তীব্র পরিহাসে,

ধূলি মাঝে গোলাপ লুটায় !

## কুলাচার

বর এল সূতি-ধুতি-পরা,  
গৃহে উঠে হাসির ফোয়ারা ;  
‘শুনেছি বনেদী লোক,  
তা’দেরো কি ছোট চোখ—  
চেলী কভু দেখে নি কি তা’রা ?’  
গৃহে উঠে হাসির ফোয়ারা ।

বাক্যপটু জেঠা মহাশয়,—  
বর পক্ষে সম্বোধিয়া, কয়,  
“সূতি-ধুতি ব্যবহার  
এও নাকি কুলাচার ?  
এমন ত’ দেখিনি কোথায় ।”  
হাসি’ কয় জেঠা মহাশয় ।

বরের সে পিতামহ শুনি’,  
( বর্ষীয়ান্ নিষ্ঠাবান্ তিনি )  
কহেন, “বাপু হে শোন,  
কাহিনী অতি পুরানো,  
পিতৃমুখে শুনেছি এমনি,—  
এসেছিল বৃদ্ধ এক যুনি ;—

এসেছিল সম্যাসী প্রবীণ  
বহুকাল আগে এক দিন ;

বেণু ও বীণা

সেদিন মোদের গৃহে,  
বিবাহের সমারোহে,—  
দীর্ঘ জটা, কম্বল মলিন,—  
এসেছিল সম্যাসী প্রবীণ ;—

দেহ গড়—উন্নত শিখর,  
দন্তু শ্বেত, হস্ত মনোহর,  
দক্ষ প্রায় ‘ধুনী’ যেন  
দীপ্তিমান্ ছ’নয়ন,  
দ্রুত পশে সভার ভিতর ;  
স্তুতি সকলে যোড়কর ।

কহিল কাপায়ে সভাতল,  
‘শুভকাজে—এ কি অমঙ্গল ?  
বিধান দিতেছি আমি,  
কথা শোন গৃহস্বামী ;—  
পুরোহিত ! কি গাথো, অবাক !  
দক্ষিণায় বসাব না ভাগ ।

চীনবাস পোড়াও সকল,  
কার্পাস পরাও নিরমল,  
ধনী পাদপের দান,—  
কল্যাণ বরে শোভমান ;  
বুধা লিরে ল’য়েনা এ পাপ,—  
জগৎ-জীব হত্যার সম্ভাপ ।’

মৌন সবে যেন মন্ত্র-বলে,  
 চীনবাস পোড়ায় অনলে ;  
 নিষ্পাপ কার্পাস বাস,  
 পুষ্প সম পুণ্য হাস,  
 কন্যা-বরে করিল প্রদান ;  
 অন্তর্দ্বান সম্যাসী মহান !

সেই হ'তে বংশের গৌরব,  
 সেই হ'তে সম্পদ বিভব,  
 সে অবধি এ বিধান—  
 কুলাচারে অধিষ্ঠান,  
 সে অবধি সব শুলক্ষণ,  
 পাপ প্রথা করিয়া বর্জন ।”

চমৎকৃত সভাগায়ে সবে—  
 সম্যাসীর পুণ্যের প্রভাবে,  
 কন্যাপক্ষ তাড়াতাড়ি,  
 কন্যার রেশমী শাড়ী  
 ছাড়াইয়া, কার্পাসে সাজায় ।  
 নবোৎসাহে নৌবৎ বাজায় !

## ভিলক দান

‘স্নান সারি’ সকাল সকাল,  
মিঠায়ে ভরিয়া ছোট খাল,  
আপনি চন্দন ঘসি’,  
চারি বছরের ‘ঊষী’  
কোঁটা দিল, হাসি এক গাল ।

দিদি এল পিঠে ভিজ়ে চুল,  
ঊষা-স্নানে শীতল আঙুল,  
স্নেহের গৌরবে তার,  
মুখে স্ত্রী ধরে না আর,  
মা বলিয়া মনে হয় ভুল !

কার্তিকের প্রভাত বাতাস  
এখনো ছাড়িছে হিম-শ্বাস,—  
চন্দন-পরশ, শিরে,  
জাগায় সে ফিরে, ফিরে,—  
জাগায় সে স্নেহের আভাস !

আছি মোরা দুয়ারে দাঁড়ায়ে,  
পূর্ণ পথ—ছোট বড় ভায়ে ;  
—আকুল ভ্রমিত চোখে,  
মলিন—বয়সে শোকে,  
মুখপানে কে গেল তাকায়ে ?

জড়সড়—শীতে করি' স্নান,  
পরিধান—ধুতি পিরিহান,  
শুভ্রকেশ—যত্নহীন,—  
কোথা যাও হে প্রাচীন ?  
তুমিও কি মোদেরি সমান ?—

বর্ষায়সী ভগিনীর গৃহে,  
চলেছ কি স্নেহের আগ্রহে ?  
অথবা, অভ্যাস বশে,  
অতীত স্মৃতির দেশে,  
খুঁজিয়া ফিরিছ সেই স্নেহে ?

এস, এস, মোদের পুলক—  
পুনঃ তোমা করিবে বালক !  
ক্ষুধিত ললাটে তব—  
মোরা দিব—মোরা দিব ;—  
স্নেহদান—চন্দন-তিলক ।

## শিশুর আশ্রয়

ননীর গড়ন শিশুটি ;

মা তাহার এক                      বেনিয়ার দাসী,  
দিনে রাতে কাজ—নাই

শিশু—কাছে কাছে থাকে,  
জল ঘাঁটে, কাদা মাখে,  
ছুটে আসে শুনে মা'র স্বর ;—  
কবে অবসর হবে,  
কবে তা'রে কোলে নেবে,  
পাবে ছেলে মায়ের আদর ।

ট'লে ট'লে চ'লে যায়,  
মা'র মুখ পানে চায়,  
ট'লে ট'লে কাছে আসে ফের ;  
কাজে যেন ব্যস্ত কত,  
হাত নাড়ে মা'র মত,  
গিয়ে তা'র কাছেতে মুখের ।

মা তা'র উঠিবে যেই,  
ছেলের আঙুল সেই,—  
চোখে লাগে, দেখে অন্ধকার ;  
অমনি শিশুর পিঠে,  
পড়ে চড় ছ'চারিটে,  
কান্দে শিশু করি' হাহাকার ।

ভয়ে ধয়ে মা'রই কাছে গেল সে পাগল !  
মার খেয়ে—আগে ভাগে পেলে শিশু কোল ।

## হাসি-চেনা

ওরে দিদি, দেখি, দেখি,—একবার আমি,  
ওই ছুঁট হাসি যেন দেখেছি কোথায় !

যে বুড়া হয়েছি আমি ভাই,

সব কথা ভুলে ভুলে যাই ।

ওই যে চতুর হাসি সরল প্রাণের,

ও যেন রে কর্তব্য মধুর গানের ;

হয়েছে,—ও হাসিটুকু, ভাই,

যা'র ছিল, সে-ও আর নাই ।

থাকিলে কি হ'ত বলা নয়ক' সহজ,

তো'তে আর তা'তে গোল বাধিতই রোজ ;

আর মনে তা'র ঠাই নাই,—

সে টুকু তোদেরি দি'ছি ভাই ।

অতীতের তরে শোক ?—আমার ত' নাই ;

যা'রা গেছে, আমি দেখি, তোরাও তা'রাই

ভুল হ'য়ে যায় সব ভাই,

বুড়া আমি—তাই ভুলে যাই !

কচি হ'য়ে ফিরে আসে আমাদেরি মুখ,

আমাদের যৌবনের যত ভুলচুক,

চলা ফেরা, সব—চেনা, ভাই,

চেয়ে, চেয়ে, দেখি শুধু তাই ।

যা'রা গেছে—কোথা হ'তে তা'দের সে হাসি-

প্রত্যহ নূতন মুখে ফুটে রাশি রাশি !

কৌতুকে রয়েছে ভাল, ভাই,

গাথ—আর বুড়া আমি নাই !



## বয়ীয়ান্

নগরীর সঙ্কীর্ণ গলিতে—  
পরিচ্ছন্ন পুরানো কুটীর ;  
এক দিন সে পথে চলিতে  
কুটীরেতে দেখিনু শ্ববির ।  
আপন বলিতে, এ জগতে,  
কেহ আর নাহি সে বুড়ার,  
তাই, যা'রে পথে দেখে যেতে,—  
ডেকে বলে, যত কথা তা'র ।

‘টোটা’র বারতা শুনি’ যবে,  
দেশে দেশে অসংখ্য সিপাহী,—  
কলহ করিয়া কলরবে,  
দলে, দলে, হইল বিদ্রোহী ;—  
অরাজক, হত্যা, অত্যাচার,  
লুট্‌পাট, বীভৎস ব্যাপার ;—  
সেই কালে বহু ‘রোজগার’  
ঘটেছিল অদৃষ্টে বুড়ার ।

দিন কত খুব ধূমধামে—  
কাটে কাল, আমোদে হেলায়,  
অট্টহাসি যেথায় ত্রিযামে,  
সেথা হ’তে কমলা পলায় ।  
তার পর ব্যবসা জুয়ায়,  
সম্পত্তি বিস্তর গেল তা'র ;  
মরে’ গেল পুত্র ছ’টি হায়,  
পত্নী গেল—যুটিল সংসার ।

“ঋণগ্রস্ত, রক্ত, অসহায়,  
পুত্রহীন, সম্পদ-বিহীন,  
প্রতিবাসী---হেন দুর্দশায়, —  
ফিরে নাহি দেখে একদিন ।  
গঙ্গাস্নানে যদি কড়ু যাই,—  
রুগ্ন আমি, নটেনা প্রভ্যহ,—  
সম্মুখে গা’ পায়—লয তাই,  
বলিবার নাহি মোর কেহ ,  
বলিলে মারিতঃ তাৎসে সব,  
নহি তবু তা’দের প্রাণে ,  
‘চান ত মে দাচ কি মে কব  
এমনি সজ্জন প্রতিবাসী

বুড়া আমি মোর পদে এ • উপদ্রব”—  
কহে রক্ত, গুরুশিষ্ট-উদ্ধ মেত্রে চাহি,’ -  
“ভগবান্ তুমি ইহা দাখনোড় সব,  
চাহিয়া তোমার মুখ এত আমি সহি ।”  
অত্যাচার, অন্যায়ে বারতা শুনিয়া,—  
স্বাথপর দপিতের শুনি বিবরণ,—  
বিশ্বাসী সে নিঃসহায় রক্তেবে দেখিয়া, —  
মনে হয়—আছ তুমি—আছ ভগবান্ ।

## অরণ্যে বোদন

ঘেসেড়ানি চলে' গেছে জল খেতে নদে,  
একা—মাঠে শিশু তার কাঁদিছে বসিয়া,  
দ্বিপ্রহর—নিরজন,—ক্ষীণকণ্ঠ কাঁদে,—  
অপরূপ শব্দ-মায়া বাতাসে সৃজিয়া !

কাছে আসে প্রজাপতি,—নেমে আসে সুর,  
আবার বাড়িয়া উঠে ;—বাতাসের বেগে  
পতঙ্গ পলায় যেই—দূর হ'তে দূর ;  
বিশ্বে আজি—কান্না শুধু উঠে জেগে, জেগে !

হাতে এসে মনোজ্ঞ সে পতঙ্গ পলায়,  
কান্না সে ত' চিরসার্থী—আছেই সমান,  
বাড়ে কমে ?—সত্য বটে ; থামেনা রে হায়,  
হায় রে একান্ত একা শিশুর পরাণ !

কখন ধামিবে কান্না,—আসিবে জননী,  
ফুরা'বে বিজন বাস—জুড়াবে পরাণী ।

## দেবতার স্থান

ভিখারী ঘুমায়েছিল মন্দিরের ছায়ে ;  
সহসা ভাঙিল ঘুম চীৎকার ধ্বনিতে,  
জাগিয়া, চাহিয়া দেখে, পূজারী দাঁড়ারে,—  
গালি পাড়ে, ক্রোধে যায় ধাইয়া মারিতে

বিশ্বয়ে ভিখারী বলে, “গৌসাই ঠাকুর !  
 বুঝিতে না পারি মোরে কেন দাও গালি,  
 ভিক্ষা মেগে ফিরিয়াছি সারাটি দু’পুর,  
 শ্রান্ত বড়, তাই হেথা শুয়েছিনু খালি ।”

রুঘিয়া পূজারী কহে, “চুপ্ বেটা চোর—  
 নীচ জাতি,—জাননা এ দেবতার ঠাই ?  
 মন্দিরের অভিমুখে পা’ রাখিয়া তোর  
 এটা হ’ল আরামের ঠাই ?—কি বলাই !”

সে বলে, “পা’ লয়ে তবে কোথা আমি যাই,  
 এ জগতে সকলি যে দেবতার ঠাই !”

## মেঘের বারতা

নীল-মেঘপুঞ্জ হ’তে শৈত্যের বারতা  
 আসিছে, তাপার্ভ, ক্রিষ্ট ধরণীর ’পরে ;  
 আচম্বিতে জলে, স্থলে, কাননে, অম্বরে,  
 বর্ষণে ধ্বনিয়া উঠে চর্চরিকা গাথা !

কাঁপে তরু, পুলকে আগ্নুত পুষ্পলতা ;  
 রুষ্টি-ধারা উঠে নাচি’ বায়ুর প্রহারে,  
 বাতাহত—বর্ষাহত—শ্যাম সরোবরে  
 স্ন-যৌবনা শ্যামাদ্রীর লাবণ্য-গৌরতা !

কালোতে বিকাশে আলো, মৃণালে কমল,  
 শ্যাম পত্র-পুটে ফুটে সোনার মঞ্জরী,  
 তীর-বনচ্ছায়া-নীল, শ্যামল, কোমল,  
 রষ্টিপাতে—সরসীর বিকাশে মাধুরী ।  
 নীল মেঘ হ'তে আসে শান্তির বারতা,  
 ধরায় লাবণ্য আনে অমরার কথা !

## অপূর্ব সৃষ্টি

অধর্ম্মে স্থাপিলা যবে সৃষ্টির বিধাতা,  
 ( প্রতাপে তপনে বণা, ) অদৃষ্ট আসিয়া  
 নিভতে মদনে ডাকি' কছিল বারতা ;  
 বাহিরিল চুপে চুপে ছ'জনে হাসিয়া ।  
 কুহেলি' সৃজিয়া তারা মাথায় তপনে,  
 তপন হিমাংশু হ'ল ; হেথা পুনরায়  
 নৈশ মেঘে চন্দ্র-ধনু রচিল গোপনে ;  
 কেবা সূর্য্য—চন্দ্র কেবা—চেনা হ'ল দায়  
 শুধু তাই নয়, রৌদ্র সৃজিয়া শশীর,  
 পৃথিমার শুরু মেঘে করিল স্থাপন ;  
 বিরহে গিশায়ে দিল স্মৃতি পিরীতির,  
 মিলনে কল্লিত ভেদ করিল রোপণ !  
 শাপ দিলা অসুখ্যামী অদৃষ্ট-মদনে,  
 'প্রভু হ'য়ে হ'বে দাস মানব-সদনে ।'

## ‘বাতাসী-মা’র দেশ

ভুলোর মতন পাখার ভরে,  
কোন ফুলের বীজ উড়েছে ?  
কোন দেশেতে জনম লভি’  
কোন বিজন গাঁয় ছুটেছে ?

ছেলেরা যেই ধরতে ধায়,  
অমনি উঠে হাওয়ায় হায়,  
কেউ বলে সে চাঁদের সূতো  
জ্যোৎস্না-স্রোতেই লুটেছে ।

কেউ বলে ও ‘বাতাসী মা’র ;—  
কোন বিজন গাঁয় ছুটেছে ।

সবাই মিলে উঠ্‌লো ব’লে শেষ,  
আমরা যা’ব বাতাসী মা’র দেশ ।

যেদেশে লোক স্বপন ভবে,  
বাতাসে বীজ বপন করে,  
বাতাসে হয় সোনা-ফসল,  
সোনার চেয়ে দেখতে বেশ !

আজ্জকে মোরা সেই দেশেতে যা’ব  
আজ্জকে যা’ব বাতাসী মা’র দেশ !

তুলোর মতন লঘু পাখায়,  
বায়ু ভরে বীজ উড়ে যায়,  
হাওয়ার মাঝে বপন, রোপণ,  
হাওয়ার মাঝে ফসল শেষ !

আজ্জকে মোরা সেই দেশেতে যা'ব,  
আজ যা'ব রে বাতাসী মা'র দেশ !

## জীর্ণ পর্ণ

সূর্যের কিরণ করি' আড়,  
দিব্য এক টগরের ঝাড় ;  
আকাশে বাড়িয়া উঠে বেলা,  
ছেলেরা ছাডেনা তবু খেলা,  
বুড়াদের ভাঙেনাক' জাড় ।

পথে যেতে পড়ে গেল চোখে,  
টগরের পল্লবের ফাঁকে,—  
কি এক সামগ্রা মনোলোভা,—  
বিস্ব ফল জিনি তা'র শোভা,—  
রক্ত—যেন অম্লরার স্বর্ণ অলক্তকে !

কাছে গিয়ে, দেখিনু যা' শেষে,  
কৌতুকে একাই উঠি হেসে ;  
সে নহে অমৃত-ফল, হায়,  
জীর্ণ পাতা, রৌদ্রে স্বচ্ছ প্রায়,  
জীর্ণ তবু পূর্ণ যেন রসে !



তা'র কাছে সরস পল্লব,  
কান্তিহীন, দীপ্তিহীন, সব ;  
এ জীর্ণ পল্লব মাঝে, আজ,  
সুস্থ, পুষ্ট, পত্র দিয়া লাজ,—  
বিকশিত সবিতার কিরণ-গৌরব !

### অক্ষয়-বট

জন্মা তব সত্যযুগে হে, অক্ষয়-বট,  
শাস্ত্রে কহে, সত্য কি ? কহ তা' মোরে তুমি  
বড় সাধ মনে, যেতে তোমার নিকট,  
ধন্য সে, চক্ষে যে হেরে তব পীঠ-ভূমি ।

ভাসিলা কি নারায়ণ তোমারি পল্লবে ?  
পিও দিলা সীতাদেবী তোমারি সাক্ষাতে ?  
সিদ্ধার্থ দেখিলা তোমা'—আর ভিক্ষু সবে ?  
বিক্রম বেতালে লভে—সে কি ও শাখাতে ?

বল মোরে বিবরিয়া ছদ্মবেশ রাখি'  
পূর্ব কথা,—সর্বতাপ যে কথায় ভুলায় ;  
ভূত সাক্ষী তুমি শাখী ; কতই না পাখী  
যুগে যুগে শাখে তব বেঁধেছে কুলায় !

সময়-সাগর-জলে মগ্ন অতীতের  
তুমি মাত্র চিহ্ন শাখী, পূর্ব ভারতের ।



## শিশুহীন পুরী

সলিল-আলয়ে                      রাঙা শিখা ল'য়ে  
আজিও রয়েছে কমল-কলি ;  
এ হেন শিশিরে                      হায়, কা'র তরে,  
জলে উঠে নির্ভা অনল জ্বলি' ।

তাম্বুল রসে                      রাঙায়ে রসনা  
সোনাযুখী বন-জবার হাসি—  
ফুটিল আবার                      বনে বনে ওই,  
আজ কে দেখিবে তা'দের আসি' ?

কলায়ের ফুটে                      প্রজাপতি ফুটে,—  
প্রজাপতি লুটে বেড়ায় খালি ;  
নারিকেল শিরে                      বেজে ওঠে ধীরে  
শত জোড়া ছোট হাতের তালি !

কাঠ-বিড়ালেরা                      মুখে মুখে করে  
ঘুরনি ঘোরার হরষ-ধ্বনি ;  
কাছিমেরা দেয়                      রোদে গা-ভাসান,  
শালিকেরা ফেরে ফড়িং চুনি' ।

লাল নীল ফুদে                      জাড়ে অঁাখি মুদে  
হ'য়ে যায় হায় শুকায়ে সাদা,  
ঘাটের কাটলে                      লুটায় চামর,  
রাশি রাশি ফুটে সোনার গাঁদা ।

বনের কুসুমেরে                      আদর করিতে  
নাহি কেহ, নাহি শিশুর হাসি ;  
বনে, ফুলে, ফলে,                      ছায়া-তরু-তলে,  
শুধু বিফলতা বেড়ায় ভাসি' ।

বিজন এ পুরী                      শিশুর অভাবে  
কে যেন জীবন লয়েছে কাড়ি',  
হরষ বিথার                      নাহি যেন আর,  
পলক-দেবতা গিয়াছে ছাড়ি' !

### পথহারা

আকাশ পানে চেয়েছিলাম, ছিলাম করজোড়ে,  
একটা কিছু মনের মাঝে ভুলেছিলাম গ'ড়ে ;  
আকাশ পানে চেয়েছিলাম,  
স্বাতীর জলে নেয়েছিলাম !

হর্ষে ছিলাম, হঠাৎ চোখে প'ড়ল ধূলা এসে,  
ছায়াপথটি হারিয়ে গেল,—অশ্রুজলে ভেসে ।

দেখি,—প্রথম পারিনিত' চাইতে কোনোমতে,—  
ছায়াপথটি হারিয়ে গেছে সাদা মেঘের স্রোতে ;  
আকুল হয়ে দিক্ ভুলেছি,  
বুকের মাঝে গোল ভুলেছি,  
কে—ছায়াপথ চিনিয়ে দেবে, ছিনিয়ে ছায়া হ'তে  
পরান-পানী—ফিরবে কিরে মেঘের রচা পথে ?

কে জ্যোতি-পথ দেখা'বে হয়, দিব্য-রথে ল'য়ে ?  
 ভেসে যাবে মেঘের ফেনা কোন সে বাতাস ঘ'য়ে ?  
 নীরব নিশি, ভাব'ছি একা,—  
 আজও কার' নাইক দেখা,  
 পরাণ-পাখী ফিরবে নাকি তারার রচা পথে ?  
 তোলাপাড়া এই শুধু, হয়, সে দিন সন্ধ্যা হ'তে ।

### নাভাজীর স্বপ্ন

'ডোম' বলি', ফিরাইয়া মুখ, চলে' গেল পুজারি ব্রাহ্মণ,  
 নাভাজী নমিতেছিল গোবিন্দে তখন ;  
 ছু'টি কোঁটা অশ্রুজলে, মন্দির সোপান,  
 সিক্ত হ'ল ; সে দিন সে আর, পথে যেতে গাহিল না গান ।  
 কাটা বেত, চেরা—কাচা বাঁশ, কুটীর ছুয়ারে স্তূপাকার,—  
 অন্যদিন পরিতৃপ্ত হ'ত গন্ধে যা'র,  
 আজ তা'রে কোনো মতে পারিল না আর  
 বাঁধিবারে ; দেখিল না চেয়ে আপন হাতের দ্রব্য-ভার ।  
 কুটীরের রুদ্ধ করি' দ্বার, ভূমিতলে রচিল শয়ান,  
 রাখিলনা, খাইলনা, করিলনা জ্ঞান ;  
 ধীরে—তন্দ্রা এল চোখে, মগ্ন হ'ল মন ;  
 দেখিল সে অপূর্ব স্বপন,—ইষ্টদেব শিয়রে আপন !  
 “হে নাভাজী ! ক্ষুণ্ণ কেন মন ?” জিজ্ঞাসিলা গোবিন্দ তখন,  
 “কর বৎস হরিদাস কবীরে স্মরণ,  
 সে সব ভক্তের কথা করহ প্রচার,  
 ব্রাহ্মণের দর্প হবে দূর,—স্বপ্না কা'রে করিবেনা আর ।”

## ‘রম্যাপি বীক্ষ্য’

ফাগুন নিশি, গগন-ভরা তারা,  
তারার বনে নয়ন দিশাহারা ;

কে জানে আজ কোন্ স্বপনে  
উঠেছে চাঁদ আনু গগনে,  
তারার গায়ে চাঁদের হাওয়া লেগেছে !  
পেয়েছে সব চাঁদের যেন ধারা !

আনু গগনের চাঁদ,  
যেন হেথায় পাতে ফাঁদ ;  
আর নিশীথের আলো—  
আজ হেথায় কিসে এল ?  
আরেক সঁঝের গান,  
কিরে জাগায় যেন তান ;  
তারার বনে পরাণ হ’ল সারা !

এ যেন নয় গান,  
এ যেন নয় আলো,  
তবু দোলায় কেন প্রাণ,  
তবু কেমন লাগে ভাল,—  
মন যে মগন তা’তে,  
ফাগুন-মধু-রাতে,  
মন চিনেছে আকাশ-ভরা তারা,—  
পেয়েছে আজ চাঁদের যা’রা ধারা !

বিচিত্র ওই আকাশ  
দেয় নূতন কত আভাস,  
উষার আলো বাতাস—

যেন,                    শেফালিকার স্রবাস—  
 যেন,                    তারার বনে লেগেছে,  
                          চোখে আমার জেগেছে ;—  
 মুক্ত রে আজ মর্ত্য-ভুবন-কারা !  
 তারার বনে মন হয়েছে হারা !

---

## সন্ধ্যা-তারা

( কীৰ্ত্তনের সুর )

অয়ি	ব্রহ্মলোচ্ছল তারাটি,
মম	জীবন-সন্ধ্যা-গগনে ;
অয়ি	দিব্য-কিরণ-ধারাটি,
কত	শান্তি বিতর ভুবনে ।
যবে	নিদাঘ-সমীর-নিশাসে—
মম	হৃদয় শুকায় নিরাশে,
ভুমি	অমনি আসিয়া,
	নাতনা জুড়াও—
	শান্ত শীতল কিরণে ;—
মম	জীবনে—সন্ধ্যা-মগনে !
যবে	ধূলায় ধূলায় মিলিয়া,
মন	অঁধার আনে গো গিরিয়া,
আসি	আকুল পরাণে
	তোমারে দেখিতে
	নীলিম নিধর গগনে,
মম	জীবনে সন্ধ্যা-লগনে !

বে নু ও বীণা :

ভূমি            নিরাশার মেঘে ডুবোনা,  
ভূমি            প্রলয়ের ঝড়ে নিবোনা,  
শুধু            অগনি আসিয়া,  
                  হাসিয়া, হাসিয়া,  
                  অমিয় ঢালিয়ো পরাণে ;  
সম            জীবন-সন্ধ্যা-গগনে !

জ্যৈষ্ঠ, ১৩৫৬ সাল ।

### অমৃত-কণ্ঠ

শুনেছি, শুনেছি কণ্ঠ তব,  
পুনঃ, আজি বহুদিন পরে,  
প্রাণে মনে জেগেছে উৎসব,  
রোমাঞ্চ সকল কলেবরে !

উৎকর্ণ, উদ্‌গীব হ'য়ে আছি, আবার শুনিতে ওই স্বরে !

নিশান্তের শুকতারা সম  
পরিপূর্ণ লাবণ্যের রসে,  
সঙ্গীত তোমার, নিরুপম !  
হর্ষ-ধারা অন্তরে বরষে ;

দিবসে কোথায় ডুবে যায়, অতি ক্ষীণ, অতি মৃদু যে সে ।

পূর্ণ, পুষ্ট মন্দার মুকুল,—  
নন্দনের লতাচ্যুত হ'য়ে,  
তোমার ও সঙ্গীতে আকুল,—  
অঙ্গে মোর পড়িল লুটায়ে,

প্রথম পাপড়ি যে সময়ে, এলায়ে পড়িবে মধুবায়ে ।

ও সঙ্গীত আঙুরের ফল,  
মুছকায় রসের ব্যথায়,  
অধরের পীড়নে কোমল  
ভেঙে পড়ে, একটি কথায় ;  
বিন্দু—ছুই, স্নিগ্ধ, সুমধুর রস দিয়া—মিলায় কোথায় ।

বর্ণগাঙ্গে মুক্তাকল সম,—  
পল্লবাগ্রে যাহা শোভা পায়,—  
সন্ধ্যাসূর্য্য,—নাহে অনুপম  
সপ্ত বর্ণে—লীলায় সাজায়,—  
সে যেন গো তোমার সঙ্গীতে, লয় দিয়া সলিলে মিলায় ।

স্বাতী হ'তে ঝরি' যে শিশির  
মহামণি হয় সিদ্ধতলে,  
তুলনা সে—আজি এ শিশির  
অন্ধকারে যে সুর উথলে ;—  
আনন্দ-চঞ্চল করি' মোরে, আকুল করিয়া তারাদলে ।

জননীর চুম্বনের মত  
'ও সু-স্বর, পবিত্র কোমল,—  
মত্তপূত আশীর্ব্বাণী-বৃত্ত,  
হর্ষ-স্নিগ্ধ যেন শান্তিফল ;  
সঙ্গ-যারা শেফালি পরশে, হ'ল যেন শরীর লীতল ।

নক্ষত্র জানিত যদি গান,  
ভাবিতাম গাহিতেছে তা'রা ;  
বাণীর বীণার মধু তান !  
অমরার—অমৃতের ধারা !  
তারার পরশ বুঝি পাও,—তাই পাও হ'য়ে আত্মহারা !



অঁখি কভু দেখেনি তোমায়,  
 হে অনন্ত-আকাশ-বিহারী !  
 ফের' তুমি তারায়, তারায়,—  
 নক্ষত্রের কূলে কূলে, মরি,  
 পক্ষ্ম যেন অঁখির পলকে,—অঁখির পলকে যাও সরি' ।

বড় সাধ, শিশুকাল হ'তে,  
 হে স্নকণ্ঠ ! চিনিতে তোমায় ;  
 পাইনি সন্ধান কোনো মতে,  
 পাইনি তোমার পরিচয় ;  
 কত জনে শুধায়েছি নাম,—বলিতে পারে না কেহ, হায় ।

শুধায়েছি কবিজন পাশে,  
 শুধায়েছি কৃষক-বধূরে ;  
 কেহ শুনি' অন্তরালে হাসে,  
 কেহ হায় চলে' যায় দূরে ;  
 কোন দেশে জনম তোমার ? কি বা নাম—কে বলিবে মোরে ?

নাম তব থাকে, নাহি থাকে,  
 ডাকিব 'অমৃতকণ্ঠ' ব'লে ;  
 ভালবেসে যে যা' ব'লে ডাকে,  
 তাহাতেই পুরান উথলে ;  
 হে অমৃতকণ্ঠ ! পাখী মোর, তোর গানে চক্ষু ভরে জলে ।

গান—তব শোনে বহু জনে,  
 না থাকে বা থাকে পরিচয় ;



শুনেছি হে, ওই গান শুনে,  
গর্ভশায়ী শিশু শুক্ল রয় ;  
যতদিন নাহি এস ফিরে, ততদিন ভূমিষ্ঠ না হয় ।

গাও, তবে, গাওহে আবার,  
হর্ষ-শিশু লভিবে জনম !  
সুধাপায়ী ! চন্দ্রিকা উদগার  
কর পুনঃ স্নিগ্ধ মনোরম ;  
কোকিল পাণিয়া চাতকেরা শুক্ল হ'ল, গাও নিরুপম ।

যাহা কিছু মনোজ্ঞ-মধুর,  
যাহা কিছু পবিত্র-সুন্দর,  
যত আছে ঈপ্সিত-সুদূর,  
—চির মুগ্ধ আমার অন্তর—  
বলে', পাখী শীর্ষে সবাকার—হরষ-আপ্লুত ওই স্বর ।

বহুদিন, বহুদিন পরে,  
পাখী—তোর পেয়েছি রে সাড়া !  
বহুদিন, বহুদিন পরে,  
প্রাণ মোর পেয়েছে রে ছাড়া !  
সাড়া দেছে অন্তরের বাণী, গানের স্পন্দনে পেয়ে নাড়া !

আজ, পাখী, সাধ হয় ফিরে,  
ফিরিবারে তারায়, তারায় ;—  
ব্যগ্র চোখে, সম্মুখ শিরে,  
ছেড়ে যেতে পুরানো ধরায় ;—  
বাঁশীর একটি রক্ত খুলি', নিঃশেষিতে সঙ্গিতে ছরায় ।

তার পর, নৈশ অন্ধকারে,  
তোর মত যা'ব মিলাইয়া ;  
কাজ নাই আনন্দ বন্ধারে,  
চলে যা'ব শুবিরে গাহিয়া ;  
যাহা গাই,—তোর মত যেন, নেতে পারি পুলক ঢালিয়া

তার পর, কে চিনে না চিনে,  
রাখিবনা সন্ধান তাহার ;  
কণ্ঠ যদি পূর্ণ হয় গানে  
তোর মত, গাহিব আবার ;  
বেশীক্ষণ রহিব না আশি, গান শেষে রহিব না আর ।

হে অমৃতকণ্ঠ ! হে সুদূর !  
মুন্নিমান সুর ! সুধাধার !  
কণ্ঠ মোর করছে মধুর,  
কর মোরে সঙ্গী আপনার,  
গান গেয়ে, উল্লাসে উড়িয়া, দিব মোরা অসীমে সাতার  
বেদনার বন্ধনের পারে,  
চল, পাখী, লইয়া আশ্রয় ;—  
কল্‌ট,—যেথা, গিরেনা শিকারে,  
সব ব্যথা সঙ্গীতে ফুরায় ;  
বাঁশীর একটি রক্ত খুলি—সব গান শেষ হ'য়ে যায় ।

কর মোরে, অতুল-সুন্দর !  
পরিপূর্ণ সঙ্গীতের রসে ;  
এই মহা তমিস্র-সাগর  
আসে যেন সঙ্গীতের বশে ;  
তারার জনম দিয়া গানে, দীপ্ত কর এ বিজন দেশে ।

অন্ধকারে, পথভ্রান্ত জন  
পায় যেন সঙ্গীতে আশ্বাস ;—  
যুচে যেন প্রাণের ক্রন্দন,  
ফেলিতে না হয় দীর্ঘশ্বাস,—  
অন্ধকারে পায় দেখিবারে—জ্যোতির্ময় আপন নিবাস !

মুক্তি-শিশু—জন্মেনি এখন'  
আছে কোন্ গানের প্রত্যাশে !  
পাখী ! পাখী ! তোমার মতন  
গান মোরে শিখাও হে এসে !  
মুক্তি-শিশু আহুক্ জগতে,—পূর্ণ হ'ক ত্রিলোক হরষে !

## নামহীন

বর্ষাশেষ, স্তপ্রভাত প্রসন্ন আকাশ,—  
মহাভ্রুতি ইন্দ্রনীল মণির মতন ;  
জলে, স্থলে, ফুলে, ফলে, লাবণ্য-বিকাশ,  
পথ, ঘাট, সব—যেন সবুজে মগন ।

পুরানো প্রাচীর থানি সবুজে সবুজ !  
আর তা'রে কে বলে কঙ্কাল-সার আজ ?  
দেখ্‌রে নিন্দুক তোরা দেখ্‌রে অবুঝ,  
লাবণ্যের বন্যা—মর্ত্যে—নন্দনের সাজ !

অতি ছোট ছোট গাছ—ছেয়েছে প্রাচীর,  
নেচে উঠে স-পল্লব আকুল উল্লাসে,  
রোদ্-ঝিলে করে স্নান, নত করি' শির,  
পাখী সম ;—বিচঞ্চল মূঢ়ল বাতাসে ।

বল্ ওরে ছোট গাছ তোদের স্বধাই,  
নাম কি রে—নাম কি রে—নাম কি তোদের ?  
“নাম নাই, আমাদের নাম নাই, ভাই,  
হর্ষে আছি,—হর্ষ দি'ছি—এই,—এই চের !”

### মমতা ও ক্ষমতা

পক্ষি-শাবকেরে বটে সেই স্নেহ করে,—  
দৃঢ় মূষ্টি-বলে ঘা'র কাল ফণী মরে ;  
নহিলে রুখা সে স্নেহ,—শুধু মনস্তাপ ;—  
মমতা—ক্ষমতা বিনা, উন্মাদ প্রলাপ ।

### আকাশ-প্রদীপ

অন্ধকারে জ্বলে ক্ষীণ আকাশ-প্রদীপ,  
কতক্ষণ—আছে আরু—কতক্ষণ আর ?  
হিম-সিকু মাঝে রচি' ক্ষুদ্র মায়া-দ্বীপ,  
সে কেবল রশ্মিটুকু করিল বিস্তার !

## শাহারজাদী

কল্পনা-নগরে, শত কবিতা স্তম্ভরী,  
আনন্দে করিত বাস ; সহসা একদা,  
কহিলেন লোকেশ্বর, তূর্য্যধ্বনি করি’  
“সেই আমি নিত্য নব অনিন্দ্য প্রমদা ।”

আনন্দে লাগিল দিতে যত পুরবাসী  
কন্যা নিজ ; কে জানিত দিনেকের তরে  
সে সম্পর্ক ? পোহাইলে বিবাহের নিশি,  
কে জানিত, যা’বে তা’রা স্বপনের পুরে !

ভয়ে নাহি আর কেহ করে কন্যাদান  
লোকেশ্বরে ; পরিণাম জেনেছে সকলে ;  
ফিরিয়া এসেছি তাই ভবনে আপন,  
মানসী কন্যারে মোর কহি’ অশ্রুজলে ;—

মা’ রে বাছা ! লোকেশ্বর কণ্ঠে দেহ’ মালা  
শাহারজাদীর ভাগ্য লভ’ তুমি বালা !

সমাপ্ত

## কবি-পরিচয়

কবি সত্যেন্দ্রনাথ দত্ত, বাংলা ১২৮৮ সালের ৩০শে মাঘ, শনিবার কলিকাতার সমিষ্ঠিত নিম্ভা গ্রামে তাঁহার মাতুলালয়ে জন্মগ্রহণ করেন; এবং তিনি বাংলা ১৩২৯ সালের ১০ই আষাঢ় শনিবার কলিকাতার রাত্রি ছ'টায়, চল্লিশ বৎসর পাঁচ মাস বয়সে ইহলোক পরিত্যাগ করেন। তাঁহার পিতার নাম রজনীনাথ, মাতা মহামায়া দেবী। কবির পিতামহ সুপ্রসিদ্ধ সাহিত্যিক ও জ্ঞান-তপস্বী অক্ষরকুমার দত্ত মহাশয়। কবি তাঁহার পিতামহের নিকট হইতে অসাধারণ জ্ঞান-পিপাসা এবং সাহিত্যের রসজ্ঞতা ও সাহিত্য-কষ্টির ক্ষমতা লাভ করিয়া অল্প বয়সেই প্রসিদ্ধ কবি বলিয়া বিখ্যাত হইয়াছিলেন। তিনি বাল্যাবধি বিজ্ঞানপ্রিয় ও কবিতা-প্রিয় ছিলেন। তাঁহার মাতুল শ্রীযুক্ত কালীচরণ মিত্র মহাশয়ের দ্বারা সম্পাদিত তৎকালীন প্রসিদ্ধ সাপ্তাহিক 'চৈতন্য' নামক পত্রিকায় কবি সত্যেন্দ্রনাথের কবিতা প্রথম ছাপা হয়। 'সবিতা' তাঁহার প্রথম কবিতা-পুস্তক। ইংরেজী ১৯০৫ সালে স্বদেশী আন্দোলনের সময়ে 'সন্ধিগন্ধ' নামে তিনি একটি স্বদেশ-প্রেম-মূলক কবিতা-পুস্তিকা প্রকাশ করেন। তৎপরে 'বেণু ও বীণা', 'হোমশিখা', 'তীর্থ-সলিল', 'তীর্থবেণু', 'ফুলের ফসল', 'জন্মভূমি', 'কুহ ও কেকা', 'রঙ্গমল্লী', 'তুলির লিখন', 'মনিমঞ্জুষা', 'অন্ন-অবীর', 'ইগন্তিকা', 'চীনের ধূপ' পর্যায়ক্রমে প্রায় প্রতি বৎসরে একখানি করিয়া গ্রন্থ তিনি প্রকাশ করেন। তাঁহার মৃত্যুর পরে নানা পত্রিকায় প্রকাশিত অনেকগুলি কবিতা সংগ্রহ করিয়া 'বেলাশেষের গান', 'বিদায়-আরতী', 'বপের দৌগান', 'কাব্য-সংকলন' এবং 'শিশু-কবিতা' প্রকাশিত হয়। গল্প ও পদ্য বহু রচনা এখনও সাময়িক পত্রে বিক্ষিপ্ত বহিয়াছে।



সত্যোক্তনাথের প্রকৃতি মধুর ও নীরব ছিল। তিনি অল্পভাষী, জিতেন্দ্রিয়, সত্যসন্ধ, স্বদেশ-প্রেমী ও সমাজসংস্কারের পক্ষপাতী ছিলেন। তাঁহার দানশীলতা ও মাতৃভক্তি, কবিশুদ্ধ রবীন্দ্রনাথের প্রতি ভক্তি ও শ্রদ্ধা এবং বন্ধুবৎসলতা অসাধারণ ছিল।

সত্যোক্তনাথ নানা ভাষায় অভিজ্ঞ এবং নানা বিজ্ঞায় পণ্ডিত ছিলেন। তাঁহার রচনার মধ্যে ভাষার কারুচূপি-ও নানা বিজ্ঞার পরিচয় যথেষ্ট পাওয়া যায়। ইতিহাসের ও পুরাণের খুঁটিনাটি রূপা তাঁহার এমন জানা ছিল যে তিনি অবনীলাকমে তাঁহার রচনার মধ্যে নানা প্রসঙ্গের উল্লেখ ও আভাস গদ্যে কবিতা দিতে পারিতেন।

আর সত্যোক্তনাথ ছিলেন চন্দ-সরস্বতী, নানাবিধ চন্দ-রচনার ও উদ্ভাসনে তিনি অপ্রতিদ্বন্দ্বী ছিলেন।

সত্যোক্তনাথের সাহিত্য-সেবায় একটি নিষ্ঠীক সত্য-নিষ্ঠা ছিল। সেই সত্যের অহুরোধে তিনি স্পষ্টবাদী বীর ছিলেন। তাঁহার আদর্শ ছিল বাস্তব ও বিজ্ঞান-সম্মত—সেই আদর্শকে তিনি তাঁহার কবি-রুদয়ের সৃষ্ণ অন্তর্ভুক্তি দ্বারা ভাষায় ও ছন্দে সুপ্রতিষ্ঠিত করিয়া ছিলেন। অতি উচ্চ সৃষ্ণ করনা অথবা অবাস্তব সৌন্দর্যের মোহে তিনি এই বাস্তব চাইতে কখনো দূরে সরিয়া যান নাই। তিনি তাঁহার চন্দ-সরস্বতীকে মানবের বাস্তব ইতিহাসের সর্বাদ্বীন প্রগতির অধিষ্ঠাত্রী দেবতাক্রমে বন্দনা করিয়াছেন।

সত্যোক্তনাথের সাহিত্য-প্রেরণার আর-একটি দৃঢ় সম্বল ছিল—মাতৃভাষায় প্রতি অসীম প্রগাঢ় অনুরাগ। প্রাচীন বাংলা-সাহিত্য ও প্রচলিত ভাষা হইতে আশ্চর্য্য অধ্যবসায়ের সহিত তিনি খাটি বাংলা বুলিকে উদ্ধার করিয়া তাহাকে তাঁহার রচনার মধ্যে দিয়া পুনঃপ্রতিষ্ঠিত করিতে চাহিয়াছিলেন। তিনি সেই বাংলাদেশের নিজস্ব বাগ্‌দারাকে ও সেই ভাষার পরনিকে অফুরন্ত চন্দ-রন্ধারে ঝাঞ্জাইয়া তুলিয়া নতুন চন্দ-বিজ্ঞান সৃষ্টি করিয়া গিয়াছেন। এই ভাষা ও ছন্দের সৃষ্টিই তাঁহার কবি-প্রতিভার সর্বাঙ্গপেক্ষা মৌলিক কৌশল। খাটি বাংলা ভাষা ও সেই ভাষার ছন্দকে উদ্ধার করিয়া তাহাদের সমৃদ্ধ কবিতা ছোলাই যেন তাঁহার জীবনের ব্রত ছিল।

স্বদেশের প্রতি তাঁহার অসীম মমতা ছিল। বর্তমানের যাঁহা কিছু অর্থ, ও অসত্য, যাঁহা কিছু ভীকতা ও ছড়তা, যাঁহা কিছু ক্ষুদ্রতা ও মূঢ়তা ছিল তাঁহাকেই কঠিন বিদ্‌কার দিতে ও বিজ্ঞপ করিতে গিয়া তাঁহার বাণী বেদনার আশ্রয় বিধাক্ত হইয়া উঠিত আবার অতীত ও বর্তমানে যাঁহা কিছু মহান ও সুন্দর, ভবিষ্যতে যাঁহা কিছু মহান ও সুন্দর হইবার সম্ভাবনা দেখিতেন, তাঁহাই তাঁহার মর্ম্মস্পর্শ কবিতা, এবং তাঁহার বন্দনা-গানে তিনি আশ্রয় হইয়া পড়িতেন।

কবি সত্যোক্তনাথের স্বদেশের প্রতি দরদ এত প্রবল ও তীক্ষ্ণ ছিল যে তিনি পৌরাণিক ও ঐতিহাসিক কাহিনীর অন্তরালে এমন কি প্রাকৃতিক দৃশ্য বর্ণনা উপলক্ষ্য করিয়াও দেশের অবস্থা দুঃখ দুর্দশা এবং আশা আকাঙ্ক্ষা প্রভৃতি প্রকাশ করিবার সুযোগ পাইলে ছাড়িতেন না এবং এই প্রকার রচনার তাঁহার একটি বিশেষ অনন্ত-সাধারণ নিপুণতা ছিল। এইরূপে তিনি বহু কবিতা রচনা করিয়া গিয়াছেন যাঁহাদের অন্তরালে কবির হৃদয়-বেদনা অথবা আনন্দ ও আশা প্রচ্ছন্ন হইয়া রহিয়াছে। দরলী সন্ধানী পাঠক-পাঠিকা একটু অনুধাবন করিলে তাঁহার পরিচয় পাইবেন।

এমন কবির অকাল তিরোদানে বঙ্গসাহিত্যের যে অপরিমেয় ক্ষতি হইয়াছে তাঁহা কবি কীটসের অকাল বিয়োগের কাল তিরকাল কাব্য-বসিকদের দীর্ঘনিশ্বাস আকর্ষণ করিলে।



## কবি সত্যেন্দ্রনাথের রচনা

পুস্তকের নাম		প্রথম প্রকাশিত
বেণু ও বীণা ( কাব্য )	...	১৩১৬ সাল
হোমশিখা	...	১৩১৪ "
তীর্থসলিল	...	১৩১৫ "
তীর্থরেণু	...	১৩১৭ "
ফুলের কসল	...	১৩১৮ "
জন্মভূমি ( উপন্যাস )	...	
কুহ ও কেকা ( কাব্য )	...	১৩১৯ "
রক্তমল্লী ( নাট্যকাব্য )	...	১৩১৯ "
তুলির লিখন ( কাব্য )	...	১৩২১ "
মণি-মঞ্জুষা	...	১৩২২ "
অজ-প্রাবীর	...	১৩২২ "
হাস্তিকা	...	১৩২৩ "
চীনের যুগ	...	
বেলাশেখের গান ( কাব্য )	...	১৩৩০ "
বিদায় আরতি	...	১৩৩০ "
উদ্ধাশিলান ( উপন্যাস )	প্রথম প্রকাশিত আশাচন্দ্র চট্টোপাধ্যায়	
যুগের ধোঁয়ায় ( নাটিকা )	...	১৩৩৬ "
কাব্য-সংকলন ( কাব্য )	...	
শিশু-কবিতা	...	১৩৪২ "





